

# *KI SIKAMAÑI SE SI*

## *EBELELISA FA LILUNDU?*



Lumela feela, lumela feela,  
Lika kaufela za konahala, lumela feela.

Halu inamiseni litoho zaluna cwale.

Mulimu Ndate, yani kona tapelo yaluna ye sepa hala busihu bwa kacenu, kubona kamukana Zo sweli ku ezeza sicaba mwa lizazi le. Mi lwa Ku kupa, Mulena, mi lu kone fela kulumela, kulumela fela kuli Ki Niti, Linzwi le liñozwi ha li iponahaza ku luna. Lumeleza lika ze, Ndate.

<sup>2</sup> Cwale busihu bwa kacenu lu bata ku itumela ku Wena ka—ka Liseli lakuli U suluzi Mañolo ku luna kakusasana cwana. Mi lwa lapela busihu bwa kacenu, Mulena, mwa mukoloko wa litapelo wani, kuli Uka yemela Linzwi la Hao kuba la Niti.

<sup>3</sup> Lu lapelela likeleke kaufela ni liputeho ze kopani ka kutinguluka ma—ma—ma maikulofoni kwande kaufela, kuzwa mwa naha, ku kalela kwa Likamba la Wiko, ku yo punya ni kwa malundu a Arizona, kukena ni mwa mabala a Texas, kupunya ni kwa Likamba la Upa, kamukana mwahala naha, Mulena, ko ba kopani. Lihola zeñata mwahali, luinzi ka nako, kono, Mulena, luinzi hamoho busihu bwa kacenu sina sikkwata silisiñwi, balumeli, ku libelela Kutaha kwa Mesia. Lwa lapela, Ndate ya kwa Lihalimu, kuli Uka Mu lumela cwanoñu kwa Keleke ya Hao. Kakuli lwa likupa ka Libizo la Hae. Amen.

<sup>4</sup> Mwakona kuina. Litumeliso za sikreste ku bao kaufela babali mwahali mo busihu bwa kacenu. Ni swabile kuli lu sa titihani ni kusinana kufitela lu palelwa ku buyela. Mane niheba lipangaliko zefukisa moyo, hamoho cwalo ni buino bwa zona bwa moyo, halina mata ni hanyinyani, ki batu babañata hahulu. Kambe ne kuna ni fela keleke ye likani yetezi batu, lipangaliko zefukisa moyo zani zakona ku mi kangelisa. Kono cwale mañi ni mañi una ni sa ku ifukiseza moyo, inza fukisa, kanti sipangaliko sa ku fukisa moyo sa kasha katata mo si konela.

<sup>5</sup> Lu luma litumeliso kuzwa kwa Likamba la Upa ku ya kwa Wiko, kwa balikani ba luna kamukana ku Kreste, baba sweli kuteeleza. Lu luma litumeliso za luna kwa San Jose, Muzwale Borders, sikkwata kwani. Lu luma litumeliso kwa ñambamo kafoo mwa malundu, Prescott, Arizona, ku Muzwale Leo Mercier mi sikkwata sa hae sesili kwani se si libelela Kutaha kwa Mulena. Lu luma litumeliso zaluna ku bani mwa Tucson, baba kopani busihu bwa kacenu, ba libelezi Kutaha kwa Mulena. Kafoo mwa Houston, Texas, ku bao baba libelela Kutaha kwa

Mulena. Kafoo mwa Chicago, ku bani baba libelezi Kutaha kwa Mulena. Koo kwa Likamba la Upa, New York ni Connecticut, ni likwata zetuna kafoo, baba libelezi Kutaha kwa Mulena. Haluna sibaka kwanu kuli baine teni, kacwalo lu lukela fela ku ba lumela Linzwi ka—ka buino bwa luwaile. Lu luma litumeliso ku Muzwale Junior Jackson busihu bwa kacenu, ni sikhata sa hae kwani kwa Clarksville. Muzwale Ruddell, kafoo kwa sikisitetuu, ni sikhata sa hae, baba libelezi Kutaha kwa Mulena. Mi lu kopani mo busihu bwa kacenu kwa keleke ya fa lapa, yona tabernakele, lu libelezi Kutaha kwa Mulena.

<sup>6</sup> Mi cwale, buñata bwa mina mwendi ne mu siyo mwa lisebelezo kakusasana cwana. Kono Ni sepa kuli mañi ni mañi, yana si yo, uka i kungela tepu yani, kakuli Ni lumela kuli neli Liñusa leli sepahala hahulu ni kufita kwa keleke kuzwa ku lani lakuli—lakuli Liñusa lakuli *Muñaka, Kana Ki Nako Mañi?* Ne ni ikutwile tozo ya Moya, ne ni ikutwile kuetelawa kubulela sene Ni bulezzi. Neli le litelele, kono niteni Ne ni ikutwile kuetelawa ku eza cwalo. Mi Ni sepa kuli Mulena, ka Linzwi la Hae, na bonisize kuli ki hola mañi ye lupila ku yona. Mi lubone kuli lwa utwisisa lika za likunutu ze sweli ku ezahala ze. Mwa ziba, Bibele i bulezzi kuli, “Baba butali baka utwisisa.”

<sup>7</sup> Kono linaha ni batu baka “fokola ni kutalifa.” Mu nahane fela, silundwamanje sa ma American cwale si mwa lilimo za bunca, mwendi lilimo ze mashumi amabeli za kupepwa, sa fokola kono si butali. Neba sina lifulai za majeti mwa mazazi ani, ni—ni litoho zetezi lindwa za atomiki, kono bani ne ba pilanga linako zetelele. Luna lu sweli ku fokola ni kutalifa, mi butali bwa luna kona bo bu ka lu sinya. Luka i sinya luna bañi. Mulimu hana ku lu sinya; butali bwa luna kona bo bu ka lu sinya. Kamita kubanga ona cwalo, mi ona cwalo kona mo ku kabela hape.

<sup>8</sup> Cwale, Mulena ha lata, la Sunda lelitatama kakusasana, mane Ni sa zibi se ni ka bulela ka sona, kono Ni sepa kuli Mulena, haiba A lu tuhelela kupila mi kutokwa se si ezahala, kono iba tato ya Hae, lu bata ku ambola ka Liñusa leliñwi la Sunda lelitatama kakusasana, kuba ni ku lapelela bakuli ka la Sunda lelitatama busihu. Konakuli si ni beya mwa buino bwa kukutela kwa hae kwa Arizona, ku kutisa bana kuli ba iñolisa kwa sikolo. Konakuli mu ka be... Lu ka mi zibisa, kuya fela ka mo lu konela, ka za mikopano hainze iya i sutelela, kamba linako zeo luka... libaka ko lu bata ku ba. Kacwalo, Mulimu ami fuyaule kaufela.

<sup>9</sup> Cwale busihu bwa kacenu, ka kuziba kuli ki... Ni liyehile ka mizuzu ye lishumi ni ye ketalizoho, ka kukala, seli mizuzu ye lishumi ka yeketalizoho kuli etti ikwane kwanu kwa Jeffersonville; mi seli mizuzu ye lishumi ka yeketalizoho kwa Likamba la Upa, mi seli bukaufi ni faifi kiloko kwa Likamba la Wiko. Kacwalo se luli fela bukaufi ni ku likela kwa lizazi kwanu. Mi Ni bata ku ambola ku mina ka sebelezo yekuswani fela,

ili kulika kufumana tozo ya Moya, mi kipeto lubize mukoloko wa tapelo.

<sup>10</sup> Mi Ni bata kopano ya kwanu ye, hamoho cwalo ni kopano ye kopani mwa libaka zeñwi, mu fumane muuna yomuñwi, muzwale yomuñwi ya tozizwe ka Moya; mi ha lu ka kala ku lapelela bakuli, muye mu yo beya mazoho fahalimwa babainzi mwa kopano ya mina. Muhupule, Mulimu ukai ni kai; Ufumaneha kai ni kai. Kacwalo, kwani kwa Texas, ni kwa California, ku kambama cwalo mwa Arizona, kaufela ko muinzi, mubeye mazoho fahalimwa ba bakula halu ka kala ku lapelela bakuli. Mi Na sepa Mulimu uka utwa ni ku alaba litapelo.

<sup>11</sup> Taba yenca, busihu bwa la Sunda ye felile, mi tozo ne isweli kusuluha, mi Moya o Kenile... Neli tobone wa kuta. Ne ku sikaba mukoloko wa—wa temuho fa likweli ni likweli, kuzwa ha ne Ni li kwanu nako ye felile. Mi kipeto ni ku ya kwani mwataswa sepiso... Mu sa zibi sa Ka eza. Hamukoni kubulela kuli Uka si eza. Muna ni kuya fela kwani ni ku libelela. Yena ki ya pahami. Uezanga Sa lata kueza. Kono moyeme fani mi mulibelele kuli mubone Sa ka eza, kipeto mu ka Si utwa ha si taha ku mina ona cwalo.

<sup>12</sup> Mi kwa mafelelezo a—a mukopano, ka ku sa ziba kuli neli mañi, kono ne ku na ni muuna—muuna kokuñwi yo mutelele, ni sitenda fa toho, mi neli mutu yana kula hahulu.

<sup>13</sup> Mi kipeto kwa mafelelezo luli, neku na ni muuna yana bonahalile kwanu kwa kata, mi na inamisize toho ya hae, mi na bonahala inge kuli na nyandile, ali ku i swalelela fa mba. Mi Ne ni hupula kuli yani na lukela kuba muuna wa pili kamba wa bubeli, kamba nako kaufela yeo Ne ni mu lapelezi, kakuli nana ni sitenda mi na inamisize toho ya hae fafasi; muuna yomukima, inza ikinamezi. Kono Ne ni talimile kafa ni kafa mi Na fumana muuna yani ali kuina kwande kwani, kono na sweli ku nyakalala. Na hupula, “Kikai kwani?” Ne ni sa koni neba ku lemuha kuli neli kai. Ne ni utwile ni kubona muuna yani fapila ka.

Ne ni utwile ha si hoha kwa neku le, mi ne si zwelela kwa mulaho. Ne ni talimile ku Muzwale Neville mi babali ba ne ba inzi kwani, ne si bona. Se nili, “Muuna yani uinzi mwahala tumelo ya litaba za likolobezo kwani.” Mi mwa ziba yo nali yena? Muzwale Shepherd. Libaka le ne Ni sa koni ku mulemuha, na inzi kwa mulaho kwani ni toho ya hae inze i inami, inza lapela.

<sup>14</sup> Na hupula kuli na ka shwa, na sweli ku hupula cwalo ka lisunda nyana ze fitile. Musala hae na mubulelezi kuli ayoleka makatulo amanca, mi ki hali, “Hanina ku atokwa. Hanina kuba kwanu nako yetelele hahulu cwalo.”

<sup>15</sup> Mi ani katana zazi leliñwi mwa... ona kwani mwa patelo, Muzwale Wood, inza huwa ni ku lumba Mulimu. Ali, “Ni sweli kuca nama ya kulube ya kubesa, mai, matamangisi, sika kaufela se Ni bata.”

<sup>16</sup> Mi ka likute a zwa fa sipula sa hae, na inzi kwa mulaho kwani mi azwa mwa nzila, ni ku lapela. Mwabona, ha mutokwi kadi ya tapelo, mutokwa fela tumelo. Mwabona?

Cwale, Ne ni sa zibi kuli na folile kamba nee, Ne ni bulezi fela kuli, “Mu—muuna, yana lapela, una ni sesiñwi se si fosahalile.” Na sepa Ne si bulezi seo nesili sona, “Butata bwa mwa mba, ni ku lapela kwa mulaho kwanu. Mulena Jesu aku eze hande.” Cwale, zeo kona ze Ni kona ku bulelela. Kuhoha neli kwa kuli na sweli ku lapela. Ne ni kona kubona, kono se si ezahala ha Ni zibi. Mwabona?

<sup>17</sup> Kono ha mu I utwa haikuta, mutu ni mutu wa ziba, ha I bulela ili, “KISONA SA BULELA MULENA,” mwabona, yani ha ki na ni hanyinyani; yani ki Yena.

<sup>18</sup> Kono Na kamita ni bulelanga kuli, “Jesu Kreste u ku folisize,” yani kona Niti ka kutala. “Na titikezwi bumaswe bwa luna, ka miupa ya Hae lu folisizwe.” Mwabona? Mwabona?

<sup>19</sup> Kono yona ha I taha ili, “KISONA SA BULELA MULENA,” mi imibuelela sa kueza ni se si ka ezahala, mutualime sani, kukaba ona cwalo.

<sup>20</sup> Kono Na ha ni bulela kuli, “Jesu Kreste wa kufolisa ni kuku eza hande,” mu lumele, kakuli Yena u sa si bulezi kale. Ni sweli fela ku kutela Sa bulezi.

<sup>21</sup> Mi pono i kutelanga fela Sa bonisize kale. Mwa utwisisa nji?

<sup>22</sup> Cwale halu akufeni mi lukene kulibana ni Linzwi, kakuli Na ziba buñata bwa mina babali mo, mu na ni limaele zetelele za ku zamaya busihu bwa kacenu. Ni lapela kuli Mulimu ami fuyole, ami tuse mi ami sileleze mwahala linzila. Mi cwale Ni lakaza ku sikuluhela busihu bwa kacenu ku Muñoli Mateu, kauhanyo yabu 21, ni litimana za 1 kuya fa 11, ku Muñoli Mateu. Mi, cwale, haiba hamuna Bibele, kamba haiba mubata kuñola Mañolo a, ku lukile.

<sup>23</sup> Mi cwale ku mina baba si ka utwa Liñusa kakusasana cwana, mi mu na ni tepu rekoda; halu kupeleli, ku lekisa matepu. Halu kupeleli, ku lekisa sika kaufela. Fokuñwi mwa mukopano omutuna baka zibahaza kuli bana ni libuka kwa mulaho kwani; luna hakuna nihaiba sesikana se lu panga kuzwa ku ona. Muzwale Vayle ki yena muñoli. Haili matepu, muuna ya talima za musebezi wani uka mi bulelela, luna hakuna masheleñi o lufumana fa matepu. Haluezi cwalo... Ha ki “matepu”; ki Liñusa. Mi cwale mutu ha ka ba ni munahano wa kuli kuna ni masheleñi, konakuli hasana kupanga matepu ni hanyinyani. Yani ki niti. Ne ni sweli kubuza ka zona, Ni sepa kuli matepu aluna alekiswa, mwatasa ma dollar a ketalizoho, kamba sesiñwi, zetalu kamba ze ketalizoho, kamba sesiñwi se si cwalo. Muli sikamañi? Zetalu; ni zene, ka matepu amatuna ani, a matelele.

<sup>24</sup> Mi mukutazi yomuñwi, Ne ni buzize ka matepu a hae, mi neli ma dollar aeza naini, mwendi ki mizuzu ye mashumi amabeli kamba amalalu, a liñusa.

<sup>25</sup> Kacwalo Ni bona kuli Muzwale wa luna Sothmann kwa mulaho kwani ha fumeli fateni, yomuñwi wa bona kaufela, kwa matepu ao basweli—basweli ku lekisa. Mwabona, ba fumana fela ze likani kuli ba ipiliseze fateni. Hanikoni ku ba kupa kuli balekise ba sa fumani sika fateni, kakuli balukela kuleka matepu ni lika zeñwi kaufela. Mi lipangaliko za mushini za tula luli, mwendi teko ki ma dollar aeza teni sauzandi kuli mukale kupanga matepu ani, ka kukala.

<sup>26</sup> Cwale, Na utwisisa kuli Ni se . . . ni zibahalize kale. Kono kuna ni kuteeleza kwa tepu hape. Ka nako ni nako lwa . . . basepahali, Hanina sa kueza ni sona ni hanyinyani. Na mane . . . hakuna nihaiba ku yeñwi ya mikopano. Mane haki kuli—haki kuli ki licaziba ni makuluku. Ba kenyanga mwateni za kuipa kwa bona; basepahali kipeto ba keta kuli ki ufi ya tatama kwa baana bani yaka panga matepu, mi kipeto ba mu lumela liñolo. Kona ze Ni ziba ka zona. Ba li tokomela zani, kakuli Na mane hanikoni nihaiba kuneela limbututu hape ka nako yeswana ni tokomele za matepu, cwalo, kamba ku kolobeza.

<sup>27</sup> Kacwalo Ni beile muhupulo wa ka fa Liñusa le, kwani kona Kuhoha kwa Bulalu, mi ki lona le Ni lukela kukuteka ni ku utwela.

<sup>28</sup> Mateu 21:1 kuisa 11. Ni bulezzi cwalo ili kuli mu libelete . . . kamba kuapula Mañolo.

*Mi cwale he . . . Mi cwale ha ba sutelela kwa Jerusalema, mi ba fita fa Betefage, fa lilundu la Olive, . . . Jesu alumia kwa balutiwa ba hae bababeli,*

*Mi ali ku bona, Muye mwa munzi o mutualimile, mi kapili mu ka fumana ka mbongolo ka ka fungilwe, ni mwana kona: mu tu bofulule, mi mu ni tiseze tona.*

*Mi haiba mutu aka mi buza taba, mu bulele kuli, Mulena wa tu tokwa; mi kapili uka tu luma.*

*Taba yeo i ezizwe kuli, ku talelezwe se ne si bulezwi ki mupolofita, ha li,*

*Mu bulelele bana ba Sione ba basizana, muli Bona, Mulena wa hao ki yo utaha ku wena, ili ya musa, . . . a pahami fa kambongolo, ni kana ka mbongolo.*

*Mi balutiwa ki ha baya, ba eza sa na ba bulelezi Jesu,*

*Mi batisa kambongolo ni—ni hamoho, ni mwana kona, mi ba yala liapalo za bona ku tona, mi ba mu inisa fateni.*

*Cwale undi wa nyangela bwa yala liapalo za bona mwa nzila; babañwi ba lema matakua likota, ba yala mwa nzila.*

*Mi buñata bo bu zamaya kwapili, ni bo bu latelela,  
bwa huweleza, bwa li, Hosanna ku mwana Davida: Ku  
lumbekwe ya taha ka libizo la Mulena; Hosanna kwa  
mahalimu a kwahalimu.*

*Cwale ha kena mwa Jerusalema, munzi kaufela wa  
yema maefe-efe, mi ba li, Ki mañi yo?*

*Mi buñata bwa li, Yo ki Jesu mupolofita wa Nazareta  
wa kwa Galilea.*

<sup>29</sup> Cwale haiba Nikona kunga tuto kuzwa fani, mwendi ka mizuzu fela ye mashumi amalalu kusika ba kale mukoloko wa ku lapelela, Ne ni kanga taba ye kuba tuto: *Ki Sikamañi Se Si Ebelelisa Fa Lilundu?*

<sup>30</sup> Cwale, neli lizazi le li katalisa hahulu, la mupateho, mi neli lizazi le li ipitezi. Lu fumana Jesu fa inza taha kwa Jerusalema, unza itukisize kuba kwa paseka. Mi paseka nei banga ko ne ba bulaya ngu ya paseka, mi mali na suluhelanga fa sipula sa sishemo kwa—kwa swalelo ya—ya sicaba. Mi Na zwelela kwa Betefage inza pahama fa Lilundu la likota za Olive, lene litalimani ni lilundu nyana leliñwi kone ku yahilwe Jerusalema. Mi Ha na talimile, ki ha ziba kuli ye neli poto ya Hae ya mafelelezo.

<sup>31</sup> Ye neli nako yakuli ha Na ka beiwa mwa mazoho a batu ba sibi ne ba ka Mu bulaya. Na ka shwa lifu leli sabisa hahulu kufitisisa leo mutu akile ashwa ka lona, ni ku pumbekwa. Na ka betekwa ki bahabo Yena Kasibili, babañwi ba ku bona ne ba yemi bukaufi ni Yena. Mi Yena, kakuba Mulimu, na zibile se ne sili mwa lipilu za bona, mi na zibile kuzwa kwa makalelo ya na ka Mu beteka. Mi na zibile kuli muuna yani nali ni Yena kwa matuko a Hae inza bala masheleñi a Hae ku Yena, ni zeñwi cwalo, na zibile kuli muuna yani na ka Mu beteka. Mi na zibile hape kuli sifapahano sa lunya Iwa Siroma ne si Mu libelela kwande kwani. Na zibile kuli mezi a Hae mwa mubili wa Hae ni Mali a mubili wa Hae na ka kauhana, ni kuli Mali na ka ngonga kuzwa fa pata ya Hae, maloteli amatuna aswana sina mifufuzo. Na zibile kamukana ze neli fa pila Hae. Mi ki Ha yema fa lilundu, inza talima fahalimwa Jerusalema.

<sup>32</sup> Batu ba lizazi lani, bona . . . se ne babiza mwa lizazi lani kuli, “sikwata sesinde sa batu ba bulapeli,” ne si Mu toile. Likeleke za lizazi lani ne li Mu toile ni ku Mu nyaza, ni ku nyaza kaufela bene ba Mu teezeza. Mi haiba ne ba kaya ku yo teezeza kwa mikopano ya Hae, ne ba lunduliwanga kapili kuzwa mwa likopano za keleke ya bona. Ki kabakaleo Liñolo lili, “Na tile ku ba Habo Yena, mi ba Habo Yena ne ba si ka Mu amuhela.” Bona bene ba lukela ku Mu lata, bona bene ba lukela kuba kwa neku la Hae, neli bona bene ba Mu filikanya, lila ze halifile maswe.

<sup>33</sup> Mi Na ikezelize kakwata nyana ka Hae kene kazwa mwa sikwata sa batu baba shebile, bayambi, batelisi, baba sika ituta.

Bibele ibulezi kuli babañwi ba kubona mane ne bali “litimbi, baba si ka ituta.” Babañwi ne ba sa koni neba kuñola mabizo a bona. Na si ka ya mwa likeleke ku yo i kungela sicaba sa Hae.

<sup>34</sup> Mi Na sa lumelelani ni yomuñwi kaufela wa baeteleli ba keleke. Mi, kwanda zeo, Na latelezi ona mukwa luli wa mupolofita. Na nyazize lika kaufela zene ba eza, sina bene bali kwa pili ku Yena mo ne ba ezelize; kakuli nebali siemba sa Linzwi, mi Yena nali Linzwi mwa mutalelela wa Lona.

<sup>35</sup> Kono mwahala litaba zani kamukana, mwahala lusika kaufela ni mupolofita kaufela yana bile teni kamba yana ka ba teni, ku kaba sicaba nyana se si ketilwe kuutwa Liñusa lani, mi ba ka Li latelela. Bao baka tokolomoha sikhata sa batu. Bao habana taba ka kunyaziwa ki baba sa lumeli. Bona—bona habana likañi ni bona. Bana ni taba iliñwi ya kueza, yani ki kulumela ni kunga siemba kaufela sa Lona mo ba konela, ku Si nwelisa mwahali sina Maria yana inzi kwa mautu a Jesu.

<sup>36</sup> Mi Maretu na sweli ku lukisa mulalelo wa Hae, mi Jesu ali ku yena, “Kono, Maretu, ubilaezwa hahulu ki lika za bupilo, kono Maria u batile lika zende,” mwabona, zona litaba za Bupilo Bobusafeli.

<sup>37</sup> Cwale, lu fumana kuli buñata bwa batu bene ba utwisisa . . . Ne ba sina libuka sina mo lubezi ni zona kacenu, ne ba sina televishini kamba mawaile, kamba sika kaufela, sa lizazi lani, kono ne ba li mwa mufuta wa kununkelela kuli Na ka ba kwa mukiti wa paseka. Kakuli buñata bwa sicaba, kakuba bene ba iseza ngana ku za moyo, ne ba zibile kuli Nali yena Ngunyana yani ya paseka, kakuli Na ba bulalezi kale lika ze ne ka ezahala.

<sup>38</sup> Mi cwale, ka niti, ka kuziba kuli Na lukela kuba kwani, mi ba Mu lata ka mukwa one ba ezelize ka ona, ne ba Mu libelezi. Neku na ni sicaba sene si sweli ku kashaka, ku tundana kuzwa kwa munyako omuñwi kuya ku omuñwi, kutalimisisa mwa mikwa kaufela, kakuli ne ba zibile kuli yeñwi ya lihola Na ka bonahala. Ne ba libelela.

<sup>39</sup> Babañwi ne ba sweli ku komoka sene sili butata ni batu bani ka kumata mata kuzwa kwa munyako ni munyako. “Ki sikamañi se si ebelelisa?”

<sup>40</sup> Neba talima neku *le* ni kutalima neku *lani*, kuli ba batisise. Ne ku bonahala kuli ne ba libelela nto yeñwi, mwataswa tibelelo ya sesiñwi sene sina ni ku ezahala.

<sup>41</sup> Oh, mo Ni lakaleza ku cinca taba yaka ka mizuzu nyana ni kubulela cwana, kuli bwani kona butata kacenu. Batu baba Mu libelezi kutaha ba mwataswa tibelelo yetuna ni ku kulubela. Lwa kona kuutwa cwalo, ona kupateha. Mi basweli ku batisisa, kutalima muzamao kaufela ni sisupo kaufela, banze ba li bapisa ka Mañolo.

<sup>42</sup> Mi hane ba boni lika zani kaufela zene bulezwi ka Yena, kufita cwalo kwa maungulo, ne ba zibile kuli mafelelezo nali fakaufi. Ne ba bata kuba teni, kacwalo ba libeleta. Siemba sesiñwi sa nyangela nesili ni Yena, mwahala baba nyinyani. Babañwi ne ba Mu nyaza, buñata bwa bona, undi wa nyangela luli ne ba Mu lwanisa.

<sup>43</sup> Mi ona cwalo kona mo ku inezi kacenu mwahala likwata za bulapeli, ha lifita fa Linzwi ni Kreste, kuna ni fela pesenti iliñwi yekona ku Li lumela. Kalulo yeñwi haikoni ku iseza ngana ku Lona, hakuna taba ka se ne si ka ezahala, ne ba ka eza lisheha kamba ku nyaza ka Lona. Ki nto yeswana fela. Nako, lika ha li cincangi hahulu, litaba za kale lizamayanga fela linze li kuta-kutela.

<sup>44</sup> Kihande, lu fumana kuli sani ne si tisize hahulu maefe-efe. Ne si na ni kueza cwalo. Sa lukela kueza cwalo. Ne ba sweli ku libeleta, ne ba sweli ku kakanya sa Na ka eza ha Na ka fita kwani. Ne ba bata kuba kwani kuli bautwe sika kaufela sa Na ka eza. Ne ba Si bata. Neba bata ku Si bona. Ne ba Mu lumela. Babañwi ne ba utwile kuli Wa taha, mi ki ha baya kwani ku yo eza lisheha ka Yena. Kacwalo hasamulaho wa tibelelo yetuna cwalo, lizazi la buipiteli, nako yene ipitezi, likeleke ne li lobezo, misinga ya batu neili kwa mafelelezo, nekuna ni batu babañata hahulu kwani, mi se ku ezahala!

<sup>45</sup> Fahalimwa Lilundu la likota za Olive kwa taha, tonki ye sweu yenyinyani inze i zamaya, kutaha i shetumuka fa lilundu, ni sikuwata sa batu bene ba huweleza ka tabo yetuna, banze ba koyola matali a likota za nzalu, inze ba yumbakela liapalo za bona mwa mukwakwa, banze ba huwa, "Hosanna ku Mwana Davida ya taha mwa Libizo la Mulena!" Haili...mule yenyinyani yani, Mupahami wa yona ne si mutu usili kono neli Mesia wa Mulimu ya tozizwe wa hola yani.

<sup>46</sup> Mulimu, cwale, ki sikamañi sa Na eza? Ki ku ebelelisa ko kucwañi kwani fa lilundu? Ki Mulimu yana panga za buikale, mi Mulimu na sweli kutaleleza sipolofita. Mi sani kamita sitisanga ku ebelelisa. Si tisanga likañi kaufela, manoñu (a Liñusa la kakusasa wa kacenu), ni limbande hamoho. Mwabona? Ne ba tile hamoho ku to batisisa se ne si ezahala. Babañwi ne batela ku to buha, babañwi ne bayezi ku yo fumana mulatu, babañwi batela ku to nyaza. Kuna ni mifuta kaufela yene kopani, sina halu bulezi kakusasana cwana: balumeli, balikanyisi ba kulumela, ni baba sa lumeli. Ki sikamañi sesili fa lilundu? Sipolofita si sweli ku talelezwa. Cwale lu ka bona se si ka ezahala.

<sup>47</sup> Cwale, mwa Buka ya Zakaria, mwa kauhanyo ya 9 ni timana yabu 9. Zakaria, alimuñwi wa bapolofita, na bulezi mwa Moya, cwana kuli.

*Uwabelwe hahulu, Wena mwana musizana wa Sione;  
u lulueze, Wena mwana musizana wa Jerusalema: bona,*

*Mulena hao ki yo utaha ku wena: ki ya lukile, . . . ya pilisa; u ikokobelize, mi upahami mbongolo, mane ki mbongolo, yenyinyani mwana mbongolo.*

<sup>48</sup> Cwale, ki butata mañi bo ne buli ni bañoli bani? Neli butata mañi bo ne buli ni baprista bani? Neli butata mañi bo ne buli ni batu ba bulapeli bani? Se ne si ñozwi lilimo ze mianda ye mine ni ye eite-sebene kwa mulaho, ka mupolofita ya supilwe, mi ne se libilwe kale mwa litaba ze ñozwi ni kubizwa kuli Bibele, matapa a Testamente ya Kale. Kiñi hane ba si ka bona kuli sani neli sipolofita se ne si talelezwa? Kona libaka leliswana leo ba sa koni kubona kacenu. Ne ba ngile Linzwi la Mulimu ni ku Li eza leli sina mata kwa sicaba, ka (kuluta) lizo kuba Lituto za batu.

<sup>49</sup> Mi haiba muñoli, bakutazi, babuleli, baana ba moyo (mo ba bizezwa), batoziwa, ne ba ka bala fela Bibele, ne ba si ke ba bilaela se sisweli ku ezahala, ne ba ka ziba seo Ili sona. Mulimu kutaleleza Linzwi la Hae!

<sup>50</sup> Litaba za kale neli sweli ku pangienda, sipolofita ne si sweli kutalelezwa. Puluso kwa lifasi ne isweli kutaha, lizazi lelituna leo bapolofita ne ba libelezi. Bene ba li mwa mabita kaufela ne ba libelezi lizazi lani (mawi, munahane fateni), bani kaufela bene ba shwile, baba lukile kaufela ba mali a ba bulaiwa ni bapolofita.

<sup>51</sup> Kanti, Natilo huwa fela kuli, “Jerusalem, O Jerusalem, wena ya pobauzi mupolofita kaufela yo Ne ni lumile ku wena, ni ku bulaya baba lukile, kana Ni ka ku bukeleza cwani sina nasikuku mo i ezezanga, kwa tuzwinyani twa yona, kono haulati. Kono cwale hola ya hao ifitile.”

<sup>52</sup> Lika kaufela ze neli mwa libita, Abrahama, Isaka, Jakobo, bapolofita kaufela, ne ba libelela hola ye.

<sup>53</sup> Mi keleke ne ifofalile ku Lona. “Ki mañi yo ya tisa lilata le kaufela? Ki mañi Mucaha yani?” Neba bulezi nako yeñwi kuli, “Kana ha ki yena mwana mubeti yani wa kwanu njí? Lwa Mu ziba. Ki kai Kwa zusize butali bo? Kiñi, ha lu Mu boni kuli uswalisani ni sikolo sifi kaufela mwahala likolo za luna. Halu zibi libuka kaufela Za kile a ituta ku zona. Yo ki Mañi?”

<sup>54</sup> Nali yena kalabo ya sipolofita sa bapolofita. Ki yo Wa taha, inza pahami fa mwana mbongolo. Ki kuhoha batu ko kucwani! Mulimu na sweli kutaleleza Linzwi la Hae la sepiso, hola yene libelezi kuzwa kwa myaha ye likiti zene. Mwa Genese, kauhanyo ya 3 ni timana ya 15, Mulimu na sa bulezi kale, “Peu ya musali ika pyata toho ya noha, kono toho ya hae ika luma kwa lisito la hae,” sipolofita sani mwahala Bibele kaufela ne si bulezwi kale ka Muuna ya na taha yo.

<sup>55</sup> Mi kwanu ha ki kale hahulu ne ku yemi mupolofita mwahala bona, yana pakilwe kuli ki mupolofita, Zakaria, mi ki ha bulela, kuli, “Mina bana ba basizana ba Jerusalem ni mina bana ba basizana ba Sione, mu wabelwe, mu lulueze, mu huweleze,

kakuli Mulena mina ki yo utaha ku mina, ya ishuwile mi ki ya musa mi u ikokobelize, upahami fa mwana mbongolo.”

<sup>56</sup> Mi fa batu bene ba bala Liñolo lani, zazi ni zazi, hane ba Mu talima ataha inza pahami, se ba huwa bali, “Yo ki mañi?” Mwabona? Mulimu ka kutaleleza Linzwi la Hae kwa sicaba sene si lukela kuziba seo ne sili Sona, kono ne ba si ka Si lemuha.

<sup>57</sup> Mi Mulimu ha taleleza Linzwi la Hae, Li tisanga ku ebelelisa kamita, kamita ku cwalo. Litisanga ku ebelelisa, kakuli Ki ze si ka twaelwa. Ki la buipiteli, mi Ha taleleza Linzwi la Hae kwa mipilelo ya lizazi la kacenu, kakuli mipilelo ya lizazi lateni ha li lumeli ku Lona. Bana ni nzila ya bona.

<sup>58</sup> Cwale, lwa bona, mi halu kuteleni kwa Mañolo ni kunga likezahalo zeñwi ze ipitezi, ka mizuzu fela ye likani, fo Mulimu hana talelize sipolofita sa Hae. Mi Mulimu ha bulela sika, Uka si eza. Lihalimu kamukana ni lifasi lika fela, kono Linzwi lani ha likoni ku fela. Kacwalo kamita Li tisanga taba yeñwi ku ezahala, ponahazo yeñwi ye si ya kamita.

<sup>59</sup> Mulemuhe bukuba bwa teni mo libezi Linzwi la Mulimu kwa—kwa sicaba baba lukela ku Li lumela, mi kanti Ki la buipiteli ba huwa kuli, “Kihande, ki sikamañi se? Ki kai ko zusize litaba ze cwalo? Yo ki mañi? Se ki sikamañi?”

Nako, ye ne ba swanela kuhuwa kuli, “Hosanna ku Mulena ya taha ka Libizo la Mulena!” Ne ku nani sikwata sesi likani fela sene si ezize cwalo, sikwata nyana fela.

Mwahala lilimo ze likiti zene za sipolofita, kakuli lika zetuna ze ne lukela kwa na, kakuli sepo kaufela ya bafu ne i beilwe ku Lona, za kwapili kamukana nelili ku Lona; mi batu ba bulapeli, bene ba i papata ne ba Li lumela, ne ba huwa katata, “Ki mañi Yo? Mi ku ebelelisa kwa ki kwa sikamañi?” Sesiñwi se si ipitezi! Ki nto ye swana, ha si cinci, cwale ki sa buipiteli.

<sup>60</sup> Halu boneni zeñwi za lika za buipiteli, sina ha Ni sa zo bulela. Neli ku ebelelisa koku cwani ona fani katulo isika wela kale fa lifasi ni ku li sinya ka mezi? Muuna muhulu, wa lilimo ze mwanda ni mashumi amabeli a kupepwa, ku yaha aleka hane kusina mezi a ku ikukisa kucimbauka. Kwani mwahala lilimo, inza yemi mwa munyako, kuyahela kwahule mwahali, mwahali mwani, ni ku imateha mwahali ni kwande, ni kubulela kuli, “Lifasi li ka miziwa ka mezi,” ona lusika lolu tuna lwa sayansi.

<sup>61</sup> “Ki sikamañi sani se si toliya lilata fa lilundu fani?” “Kiñi, ki muuna muhulu wa libizo la Nuwe, mi uteni fa halimu fani, mufitelezi watumelo wa kale. Muuna muhulu na yemi mwa lizazi fa nako yetelele hahulu. U natilwe ki lizazi. Ufelezwi ki ngana ya hae. Mi usweli kuyaha sa biza kuli ‘aleka,’ mi uli mezi akazwa kwa halimu kwani ko ku si na mezi, mi aka cimbaukisa batu kaufela ba baliteni; ni mutu kaufela ya sa utwi kwa liñusa la hae, ni yo kaufela ya si ke kutaha mwa aleka yani, uka tiba.

Kana mukile mwa utwa fateni taba yecwalo?" Neli kuebelelisa ko kunca!

<sup>62</sup> Na kona ku nahaniseza fani batu hane ba bata kuba ni lisheha lelinde, ne ba yanga ku yo yema fapila munyako wa aleka ni kuseha. "Kiñi, no bulezi kuli ikanelia seli myaha ye mwanda ye felile! Bo kuku ne ba ni bulelezi kuli ne ba ku utwile hane ubulelanga kuli ikanelia, mi u sa ngongotela fa mabala akale a likota a. Kiñi ha u sa hupuli ka swanelo ya hao?"

<sup>63</sup> Kono neli Mulimu yana itukisa kupaka sepiso ni kutaleleza sipolofita seo mupolofita wa Hae na bulezi. Taba ye nca luli! Mulimu kutaleleza sepiso ya Hae ku Nuwe, fani babañwi banze ba seha. Mulimu na sweli kuitusisa hape kwa kupanga za buikale kuli abonise ku babañwi, mane kufita ni lizazi le, kuli U buluka Linzwi la Hae! Hakuna taba kamba li bonahala cwani ku sa ba za niti, ni kupala ku nahana, Yena u sa buluka Linzwi la Hae. Na nza li eza kuba mutala, kuzwa ku yena muuna muhulu yani ya na nata fa aleka, mwa batu ba mwa America ba busihu bwa kacenu ni mwa lifasi kamukana. Hakuna taba kamba sayansi ibulela sikamañi, se ba bulela, *se, sani*, kamba *sesiñwi*, Yena u sa buluka Linzwi la Hae. Na sweli kupanga litaba za buikale.

<sup>64</sup> Ki sikamañi se ne si ebelelisa zazi leliñwi; taba ye si ya kamita kwa mulaho kwani mwa lihalupa, mi neli sicacani se ne situka mulilo. Mi mupolofita ya na mata musebezi na yemi kwani mwa lihalupa. Na si ka utwa nihaiba linzwi, na si ka utwa nihaiba mulumo, kono na talimile sa bona taba yenca fahalimwa lilundu. Mulimu na sweli kuhoha kutwisiso ya hae. Ku swana sina mo kubezi kacenu!

<sup>65</sup> Mulimu na itukisa kutaleleza Linzwi la Hae, ka mupolofita wa Hae Abrahama, "Peu ya hao ika yambaela ka myaha ye mianda yemine mwa naha ya kwahule. Ni ka ba lamulela ka lizoho lelimata."

<sup>66</sup> Mi Na sweli ku lukisa mutu kwa musebezi wateni, sina Ha na sweli ku lukisa aleka kuba sibaka sa masabelo ku bene ba ka lumela kaufela. Mulimu ki yena ya na tukisize sicacani se mulilo, mi ni mulisana lingu yo, Mushe, ali, "Ni ka sikuluhela fela kwa tuko ni kubona kuli se si talusa ñi." Mi cwale ha Na ngezi Mushe kwa sicacani, A bulela ku yena.

<sup>67</sup> Neli kuebelelisa ko kucwani kasamulaho mwa muyaho wa Pilato, fani mulisana yo hana nepezi mulamufafasi mi wa fetuha kuba noha? Mulimu kutaleleza sepiso ya Hae ku Mushe. Neli kuebelelisa ko kucwani fa Liwate Lelishwile, fani lipelesa za Faro hane li komokile kaufela, ha ne baboni moyha utaha kuzwa kwa lihalimu ni ku to kauhanya Liwate Lelifubelu kuzwa silyo kutaha nzohoto; ni sikkwata se si shebile sa batanga, banze ba zamaya mwa musebezi wa Mulimu, ku zamaya basila cwalo fa mubu o omile? Neli sikamañi sani? Mulimu kubuluka Linzwi la Hae. Kushwa ne ku ile kwahule, sicaba se si pila ne si ilo sila;

mi sicaba se si shwile mwa moya ne si lika ku ba likanyisa, mi ba tiba. Mulimu na taleleza sipolofita ni kupanga litaba za kale. Kwani neli kuebelelisa fa Liwate Lelishwile.

<sup>68</sup> Neli kuebelelisa ko kucwani ka lizazi la bubeli kasamulaho wa sani, fa Lilundu la Sinai, fani sicaba kaufela hane si laezwi kuli basike ba sutelela basali ba bona, hane ba kupilwe kuli ba tapise libyana za bona ni ku i kenisa ili bona, ni ku kopanela kwa lilundu ko muuna ya bizwa Mushe nabulezi kuli na kopani ni Mulimu mwa Siita sa Mulilo? Mi Mulimu abulelela Mushe, “Ni ka shetumuka kutaha mwahala sicaba. Ni ka to paka sene Ni ku bulelezi, ni yo Nili Yena. Ni ka ba bonisa kuli ki Na Mulimu yani.” Kwani neli kuebelelisa, Mulimu kutaleleza Linzwi la Hae.

<sup>69</sup> Neli kuebelelisa ko kucwani mwa litaba za kale, koo na ha ne i libezi Mulimu, koo batu ne babile ba muenyenya ni kuñala, koo baprista ne baile ni likezo za kacenu, bapolofita ne ba polofitile kuya ka tato ya baprista? Mi ka lizazi lani, sina kamita, ne ba na ni muuna yomuñwi yene ba hupula kuli nali mufitelezi wa tumelo. Na bulezi ka basali ku ipeya mipende, ni lika kamukana, mi yena nali mutanga ya ipitezi. Mi mutangana ya ipitezi yo ataha mi ali ku mulena, “Hakuna kuba nihaiba puka yeka wa . . . yeka taha kufitela Ni ibiza.”

<sup>70</sup> Mi lufumana cwana, kuli, cwale na ipatile ni kumata kusaba ku yona, mi a yo i pata mwa lihalaua kokuñwi. Ba kampani neba nahana kuli mwendi uilo shwa kwa tala kamba uishwezi; kono nanza ca hande luli, ni kunwa mezi, cwalo. Mi ki yo nali fa, ataha mi ali, “Kana wa bona kuli Ni na ni KISONA SA BULELA MULENA? Cwale, haiba ha mu si ka ikolwisia kale, haluyenfa halimwa lilundu mi lubone yo Mulimu ali yena,” kakuli na bile ni pono yeñwi yezwa ku Mulena.

<sup>71</sup> Ki hali, “Mukete a—a aletare, mi mu i pange, mi—mi mukete poho ni ku i bulaya. Ni ka panga aletare ya Mulena, mi hape Ni ka beya poho ku yaka. Sibeli sa luna lu ka fa litabelo, mi lu tuhele Mulimu yali Mulimu kuli aalabe.” Na si ke kueza cwalo ka mukwa kaufela kambe Mulena na si ka mu bulelela; na bulezi cwana hasamulaho, “Ni ezize se ka . . . se kaufela, ka taelo ya Hao, Mulena.”

<sup>72</sup> Kono ki sikamañi se si ebelelisa? Si na ni baprista baba mianda yemine ba bayemi fa lilundu, mi mulena fa halimu fani umwa koloi ya hae, ni lilwaniso za hae kaufela ni ba libelei bayemi kwa matuko. Mi muuna yo, wa kale ni mahaha, kwa sifateho, wa sitenda, ni milili inze i lepelela fa sifateho sa hae, inza i tatelize kaemba ka litalo la ngu, ni bulizilizi fa mubili wa hae kaufela, ali kuyema kwani ni kota mwa lizoho la hae, ni tubana ya oli mwa lizoho leliñwi; neku bulezwi fela kuli, lilimo zetalu ni licika isika fita kale nako yani, “Hakuna kuba nihaiba puka ye ka wa kufitela ha Ni ta ibiza, kuli i tahe,” kunga sibaka sa Mulimu, ni lika ze cwalo sina mushukwe ni miluti, ni lika

kaufela ze ba bulela ka zona. "Mi ki yani fale muika ali kuyema fa lilundu, kutisa sicaba se kaufela kwani." Kuebelelisa kwani neli sikamañi? Neli Mulimu ya na bata ku paka mupolofita wa Hae kuli ulukile. Neli Mulimu ya na taleleza sиполофита. Mulimu hape na eza litaba za kale, kutaleleza Linzwi.

<sup>73</sup> Lilimo ze mianda ye likani kasamulaho wa fani, ne ku na ni muuna ya na tozizwe ka Moya oswana wani, mi azwelela mwa lihalaupa, na si ka tamahana ku yeñwi kaufela ya likopano; nihaikenge kuli ndatahe neli muuna wa likopano, muprisita wa mulao omuñwi. Kono na zwelezi mwa lihalaupa, ali kutina boyo bwa ngu fa mibili, mahaha kwa pata ya hae kaufela. Mwa nako yakuli ibe ya limbi, neli ye minsu. Ki sikamañi sene si ebelelisa sa muuna yo mwa Jerusalema kaufela ni mwa Judea? Babañwi ba ku bona ne baya kwande mi bali, "Kuna ni muuna ya pulumuka kwatasi kwani. Ulika ku nwelisa batu mwa mezi. Ki mañi yakile autwa taba ye cwalo?"

<sup>74</sup> Babañwi ne ba ya kwa kubuha, mi bali, "Yo ulukela kuba Mesia." Alimuñwi wa bona ali, "Ulukela kuba alimuñwi wa bapolofita." Ne ba sa zibi sa ku nahana. Kono neli sikamañi sani? Neli Mulimu yana taleleza Isaya 40, kwa Na bulezi, "Amubone . . ." sa Na ka eza mwa mazazi a mafelelezo, ka mwa Na ka lumela mutanga Hae ni sa na ka eza.

<sup>75</sup> Mi lu fumana kuli, lisunda nyana kasamulaho wa sani, muuna yani ka kuba ya yemi hande wa liñusa la hae, kufitela hana bulezi kuli, "Kuna ni Alimuñwi ya yemi mwahala mina, Yo likatulo za hae ha Ni koni ku tamulula. Uka mi kolobeza ka Moya o Kenile ni Mulilo, sina Na ha ni kolobelize ka mezi."

<sup>76</sup> Ka zazi leliñwi, Muuna yomunyinyani, wa lilimo ze mashumi amalalu, aya inza kolobeza. Mi cwale Muuna yo hanatile, neku na ni kuebelelisa kokutuna ka mupolofita, mupolofita na ezize ka bunca zazi lani. Kopano ne i sa koni kutuhela kutilima likezo za mupolofita yani.

<sup>77</sup> Fani hana sweli ku kanana ni baprista mwa buse bwa nuka, ne baize, "Mulimu ki yena yana yahile aletare ye. Mulimu na lu bulelezi kueza se. Mushe ki mupolofita. Lwa mulumela Mushe. Sitabelo ha si na kufeliswa."

<sup>78</sup> Na kona ku utwa Joani a alaba, kuli, "Kikuli ha mu si ka bala mwa Mañolo sa na bulezi Daniele mupolofita hali, 'Litabelo za zazi ni zazi li ka feliswa'? Mi hola yani ifitile! Kikuli ha mu si ka bala sana bulezi Isaya mwa kauhanyo ya 40, 'Linzwi la ya huweleza mwa lihalaupa, lili mulukise nzila ya Mulena'? Kuna ni sиполофита se sibeli ku na. Mi taba yeñwi, kana ne mu si ka lemuha mupolofita wa luna lilimo ze mianda yemine ye felile, Malaki, fani ha na bulezi mwa kauhanyo ya 3 kuli, 'Amubone, Ni luma numwana wa Ka fapila pata ya Ka, kuli alukise nzila'? Kikuli ha mu zibi kuli se si taleleza sиполофита?" Sipolofita ne si talelezwa!"

<sup>79</sup> Mi ka yona nako yani mupolofita asikuluha mi ali, “Amubone, ki yani wa taha Ngunyana ya Mulimu ya takula sibi sa lifasi!” Cwale ki sikamañi se si ebelelisa? Si cincize kuzwa ku mupolofita kuya kwa sipolofita sa hae.

<sup>80</sup> Cwale mulemuhe se si to ezahala. Ku taha Muuna ya sina kabubo, ya sa zibahali ki mutu, mwana mushimani wa mubeti, ataha inza zamaya mwa mezi. Fani Joani, mupolofita yomutuna, ali, “Ni tokwa ku kolobezwa ki Wena. Kiñi ha U taha ku na?”

<sup>81</sup> Yena ali, “Tuhela kuli kube ona cwalo. Kono, kakuba mupolofita ni Linzwi, kwa lukela kuli lu talelezé kuluka kaufela.”

<sup>82</sup> Kacwalo na utwisize kuli Sitabelo ne si lukela kutapiswa si si ka tahiswa kale, mi a Mu kolobeza.

<sup>83</sup> Cwale kuna ni kuebelelisa kokuñwi kone ku ezahalile ha Na zwile mwa mezi. Mupolofita yo ya na ishuwile hahulu ku patala lusika lwa hae ni nako, atalima mwa halimu mi abona mahalimu a kwaluha. Abona Moya wa Mulimu, sina liiba, ha ushetumuka fa halimwa Hae, ni Linzwi lali, “Yo ki Mwana Ka ya latwa Ili yena ye Ni katela.” Mulimu na sweli kupaka liñusa la mupolofita, kona se ne si ebelelisa ngana fa Jordani.

<sup>84</sup> Muzwale na opezi nako nyana ye fitile, kamba na lukela kuopela, “Fa malundu a kwahule ne ku yemi sifapahano sa kale se si butuku.” Ki sikamañi se si ebelelisa fa Lilundu la Kalvari? Halu bona lifasi la bulapeli ha ne li Mu nyaza, ni muso wa Siroma ha no Mu file koto ya lifu. Mi fa Na sweli ku nyendaela mwahala lisinyi zepeli, inza bata kunwa, Mali na suluha kuzwa mwa mubili wa Hae. Ona fani A pahekwa, inza lila, “Mulimu wa Ka, Mulimu wa Ka, U Ni tuhelezi ñi?” Mi ni sicaba sa bulapeli sali kuyema fani, bali kutalima, kanti ne ba sa zibi kuli sipolofita sa Testamente ya Kale ne si kopanela ona fani fa Kalvari ka nako yani.

<sup>85</sup> Davida kasibili na ñozi cwana, kezo...na wezi mwa Moya sina bapolofita kaufela, na ezize inge kuli neli yena. Davida alila, mwa Lisamu 22, “Mulimu wa Ka, Mulimu wa Ka, U Ni tuhelezi ñi? Masapo a Ka kaufela a Ni talimezi. Ba tabile mazoho a Ka ni mautu a Ka.” Davida, na bulela inge kuli neli yena. Mi ne si Davida, neli Kreste ku Davida.

<sup>86</sup> Mi fa ona sipolofita luli se ne si bulezwi, ka bapolofita kaufela baba shutana, ne si talelezwa fa Lilundu la Kalvari. Ki sikamañi se si ebelelisa fa Lilundu la Kalvari? Ki Mulimu ya talelezwa Linzwi la Hae.

<sup>87</sup> Ku ebelelisa kokuñwi ne kuli fa lilundu, neli ka Lizazi la Pentekota, fani kaufela bona ha nebali fa halimu fani mwa mukopano wa bulapeli, ne ba hupula kuli ne ba zwile mwa maikuto a buipiteli. Ne ba si ka utwa ku bona fa mazazi a lishumi. Hañihañi fela, sina ngoma ya limuka, ne bawile kuzwa

fa situwa sa muyaho, kwande fa mikwakwa, ku huwaka ni ku zwelapili.

<sup>88</sup> “Ki sikamañi se? Se si talusa sikamañi? Kikuli baana ba kaufela ba kozwi?”

<sup>89</sup> Mutualime! Mi mupolofita ayema mwahala bona, kuya ka mukwa wa mupolofita mo ulukela kubela, mi ali, “Mina baana ba Isilaele, ni mina baba yahile mwa Judea, mwa Jerusalema, taba ye i zibahale ku mina, mi muteeze manzwi aka. Ba ha ba si ka kolwa sina mo mu hupulela. Kono se kona se ne si bulezwi ki Mulena ka Joele, mupolofita kuli, ‘Ku ka ezahala mwa mazazi a maungulo, kuli Ni ka sulula kwa Moya wa Ka fahalimwa nama kaufela.’” Kwani neli ku ebelelisa.

<sup>90</sup> Batu ba bulapeli, kasamulaho wa ku kokotela Mulena wa Bupilo, ni lika kaufela, niteni neba si ka bona sepiso ya kutaha kwa Moya o Kenile. Ku ebelelisa, “Yo ki mañi? Se si talusa sikamañi? Ki butata mañi bobuli ni batu bani?”

<sup>91</sup> Oh, mawi! Ki nto yeswana ni kacenu. Luka fitelela lika zeñata hahulu za zona kuli li to fita fa hola ye. Ki taba yeswana ni kacenu. Taba yeswana ya ezahala. Puzo yeswana ya buziwa. “Ki lañi lilata lani kaufela?” Kutalima kwa ni kwa mwa mukwakwa, limota zezwa kwa Michigan kuya kwa Florida, kuzwa kwa Maine kuya kwa California. Kakusasana cwana hane Ni sweli ku taha kwande, kamba hasamulaho wa musihali, ne lu sweli ku shetumuka mwa mukwakwa, musala ka ni Na ne lu sweli kutalima mitelo fa limota. Fani kona fo ne Ni nahanezi tuto ye.

“Si talusa ñi se?”

<sup>92</sup> Sina mo ne I bulelezi fela, “Ko kuinzi Situpu, kona ko limbande li ka kopanela teni.”

<sup>93</sup> Se nili ku musala ka, “Mulatiwa, wa hupula busihu bo buñwi hane Ni ize kuli siyala foo kwa lika kaufela ze neli zende ku na mwa lifasi, ni kuya mwa masimu ku yo kalisa zeñwi za na bulezi Mulimu kuli ni eze? No opezi pina yani.”

Oh, ba kazwa kwa Upa ni kwa Wiko,  
 Bazwa kwa manaha a kwa hule hule,  
 Kutoca ni Mulena luna, kuca sina baeñi ba  
 Hae;  
 Ba fuyozwi cwani batu ba!  
 Ba buha pata ya Hae  
 Ye benya ka lilato la Bumulimu;  
 Baci baba fuyozwi ka muhau wa Hae,  
 Baka benya sina macwe a butokwa mwa  
 mushukwe wa Hae.

<sup>94</sup> Sani kona sesili ku ebelelisa. Yona Peu ye lelilwe ya Mulimu ye sa koni kueza sika sisili fela kwanda ku Li latelela, ki sa butokwa hahulu ku luna kufita bupilo. Munge bupilo bwa luna, kono hamuna kunga Sani. Ki sikamañi se si ebelelisa? Mulimu,

sina kamita, kutaleleza Linzwi la Hae. Usweli kutaleleza Linzwi la Zakaria hape, la mupolofita Zakaria.

<sup>95</sup> Kone Ni balile timana ya 9 fa nako nyana yefitile, fani Jesu ha na ke ni mwa tempele ya Hae, inza pahami...kamba kukena mwa Jerusalema, inza pahami fa mwana, tonki ye sweu, sipolofita ne si talelelizwe ka sa na bulezi Zakaria. Ki Se fa, “Uwabelwe hahulu, Wena mwana musizana wa Sione. Lu lueza, Wena mwana musizana wa Jerusalema. Bona, Mulena hao wa ku tahela; Ki ya lukile, mi wa pilisa; una ni musa, upahami mbongolo, mi ili pelesa mbongolo ya mwana.” Sani kona sene si ebelelisa kwa Jerusalema, kwa sibaka sa toho ya bulapeli.

<sup>96</sup> Cwale lwa bona kezahalo ya lizazi la mafelelezo! Halu apuleňi fela makepe nyana kwapili, mwa Zakaria, ni kubona sa na bulezi ka sona. Halu li fetuleni mwa mazazi a mafelelezo. Lwani neli lusika lone lu sa ikutwa; halu sikululeni cwale kwa mazazi a maungulo. Ni kufetuhela ku Zakaria, kauhanyo yabu 14, ni kukala ka timana yabu 4. Mi muteeleze! Mi lu kabala ku shetumuka fa sibaka nyana sa Liňolo, mwendi litimana ze naini, kuzwa fa 4 kuya fa 9. Muteeleze hande. Mi ku polofitilwe ka za Kutaha kwa Hae, mazazi a mafelelezo. Muteeleze hande cwale. Se KISONA SA BULELA MULENA. Ki Maňolo, Zakaria 14. Muhupule Zakaria 9, se I bulezi? Mi ne ba si ka I lemuha. Cwale ki sikamaňi kacenu? Zakaria 14, kubulela ka za Kutaha kwa Hae.

*Mi mautu a hae aka yema mwa lizazi lani fahalimwa  
lilundu la Olive, hape, le li bapani ni Jerusalema kwa  
upa, mi lilundu la likota za Olive li ka pazuha ku  
kala mwahali kuisa ni kwa upa ni kwa wiko, mane  
kutahé musindi o mutuna hahulu;...neku leliňwi la  
lilundu lika sutelela kwa mutulo, leliňwi li...sutelele  
kwa mboela.*

*Ki ha muka saba ka nzila ya musindi wa malundu;  
kakuli musindi wa malundu u ka yo fita kwa Azele: ehe,  
mu ka saba, ina mo ne mu sabezi ka mazazi a zikinyeho  
ya lifasi ya ka nako ya Oziasi mulena wa Juda:...*

<sup>97</sup> Zikinyeho yeňwi ya lifasi ika kwalula kuatamisa lifasi! Haiba mubata ku latelela Liňolo leliňwi fa, mulemuhe mwa timana yabu 5 ye, i paka kuli ku pazuha kwa Lilundu la likota za Olive kutiswa ki zikinyeho ya lifasi, mi sesi pakwa ki Isaya 29:6 ni Sinulo 16:9. Luli! Ki sikamaňi sani? Yena mupolofita ya swana nabulezi ka za kutaha kwa Hae kwa pili, na boni ni Kutaha kwa Hae kwa bubeli. Mulemuhe, “Sina mwa mazazi a zikinyeho ya lifasi.” Mwabona seo li zikinyeho lisweli kueza? Mwabona ze bulezwi ka zona?

*...mi MULENA Mulimu wa hao u ka taha, ate ni ba hae  
baba kenile kaufela.*

*Mi ku ka ezahala kuli mwa lizazi le, (haleluya) mwa lizazi leo, liseli halina kubanya, kamba ku unsufala:*

*Kono ikaba lizazi le li fapani... lizazi leli zibwa ki MULENA, isi musihali, kamba busihu: kono kukaba kuli, ka swalala liseli likaba teni. (O Mulimu!)*

<sup>98</sup> “Kukaba Liseli ka nako ya swalala ya manzibwana,” mupolofita ya swana. Mi sicaba si foufalile! Ki sikamañi se si ebelelisa? Halu baleni litimana nyana zeñwi.

*Mwa lizazi leo kukaba kuli, mezi a pilisa aka zwa mwa Jerusalema; amañwi a ka ya kwa liwate pili, mi amañwi... a ye kwa liwate lwa mwa mulaho: ni litabela ni... malicha akana abuba cwalo. (Evangeli yaya cwalo; kwa sibeli sa Majuda ni Bamacaba.)*

*Mi MULENA u ka ba muñabupilo wa... lifasi: mwa lizazi leo, MULENA ikaba alimuñwi, ni libizo la hae ikaba lililiñwi.*

Ku kaba Liseli ka nako ya swalala ya manzibwana, (luli)

Nzila ye ya kwa Kanya kaniti muka ifumana; Mwa nzila ya mezi kuna ni Liseli kacenu,

Kupumbekwa mwa Libizo lelinde la Jesu.

Banana ni ba bahulu, mubakele libi za mina kaufela,

Moya o Kenile uka kena ku mina kaniti;

Liseli la manzibwana little,

Ki niti kuli Mulimu ni Kreste ki Alimuñwi.

Mwabona fo lu inzi?

Linaha za itwanisa, Isilaele wa zuha,

Lisupo ze ne ba bulez kale bapolofita; (yani ki zikinyeho kuba Macaba mwa lizazi la mafelelezo)

Mazazi a ba Macaba a balilwe, ni misima ye mituna ikatilwe;

Mukutele, haenu O mina, mina muhasani.

<sup>99</sup> Mina baba lelekezwi kwande, mi li areka ze ne li lwezi likocikala zenca, amuzwe ku zona lifu li si ka fita kale ku mina. Mulimu u Li pakile kale. Kukaba ona cwalo.

<sup>100</sup> Halu apuleñi mwa Liñolo leliñwi mwa Testamente ya Kale, Malaki kauhanyo ya 4, mi lubale kauhanyo nyana yani ya 4.

*...amubone, lizazi la taha, le cisa sina mulilo wa ondo; mi ba ikuhumusi kaufela, ehe,...ni baba eza bumaswe kaufela, bakaba sina matakala:...*

<sup>101</sup> Cwale, ye ha ki.... Yani ki Malaki 3, neli kutaha kwapili, cwale ki kwa kutaha kwa bubeli. Nihaiba yena Muituti Scofield fa, ha Ni lumelelani ni yena mwa litaba zañozi kwatasa likepe, kono u li tomahanyize hande luli mo. “Tumo ya Joani,” ku Malaki

3; ni, “Kutaha kwa Bubeli kwa Kreste,” ni Elia ka kuitahanel. Ku lukile.

... ba ikuhumusi kaufela li ka ba *ciseleza, kubulela MULENA wa limpi, mi kusike kwa siyala ku bona mubisi kamba mutai.* (Cwale likai lihele la “Kuyakuile” kanti?)

*Kono haili mina baba saba libizo la ka mu ka pazulelwa ki Lizazi la kuluka ni mikopano ya kufolisa, foliso mwa mafufa a lona; ... mu ka takisa, mu ka zwa; sina manamani ha zwa mwa sakana.*

*Mi mu ka hatikela baba maswe; ... kakuli ba ka ba sina mulola mwa tasi a lingandi za mautu a mina mwa lizazi le Ni ka eza sani, kubulela MULENA wa limpi.*

*Muhupule ... mulao wa Mushe mutanga ka, o ne Ni ... mu laezi ali mwa Horebe ku Isilaele kaufela, ... ona litaelo ni likatulo.*

<sup>102</sup> Ki kwa kutaha kwa Elia.

*Amubone, Ni ka mi lumela Elia mupolofita ...*

<sup>103</sup> Liñolo le li kwala la mafelelezo mwa Testamente ya Kale!

... *Ni ka mi lumela Elia mupolofita ku si ka taha kale lizazi lelituna le li sabisa la MULENA:*

<sup>104</sup> Cwale, yani na si ke aba Joani. Batili. Mwabona, lifasi ne li si ka cisiwa ni baba kenile kuzwa banze ba hatikela ba bamaswe. Mwabona? Batili, batili.

... *ku si ka taha kale lizazi lelituna le li sabisa la MULENA:*

*Mi uka kutiseza lipilu za bashemi kwa bana, ni lipilu za bana kwa bashemi, kuli Ni si ke na to nata lifasi ka sikuto.*

<sup>105</sup> Mulemuhe bukwala bwa Moya o Kenile, kuli No si ke wa lyanganisa kutaha kokubeli kwani kwa Elia. Malaki 3, iize, “Amubone, Ni luma numwana wa Ka fapila Ka.” Jesu na buzizwe ka Joani; Mi ali, “Haiba mwa kona ku li amuhela, yo ki yena ya bulezwi ki mupolofita kuli, ‘Ni ka luma numwana wa Ka fapila Ka.’ Yo ki yena Elia ya na swanezi ku taha.” Malaki 3.

<sup>106</sup> Mulemuhe mo Mañolo atomahanyeza ka swanelo taba yateni. Mutualime seo kuli...ku bonisa ona...bani baba bata kulumela, bona baba bata kubona. Muhupule, Jesu ha tuhela kubulela mwahala Liñolo, kakuli siemba sa yona ne si talelelizwe kale kwani, zeñwi ki kwa Kutaha kwa Hae kwa bubeli? “Kuto kutaza ka mwaha o swanelwa wa Mulena, kutiisa baba lobehile lipilu,” mi sa tuhela; isiñi “kutisa katulo ku ba Macaba” kufitela Kutaha kwa Hae kwa bubeli.

<sup>107</sup> Mulemuhe Liñolo le fa ku zamaeleta ni lani. “Mi yena, Elia, uka fetula lipilu za bashemi kwa bana.” (Cwale ibulela ka Malaki 4, isiñi ku i lyanganisa, kamba Malaki 3.) Joani, Elia, yana tile

mwa mazazi ku si kaba kale kutaha kwa pili kwa Kreste, na fetuzi lipilu za bashemi ba kale ba ma patriareka kwa bana, liñusa le linca.

<sup>108</sup> Cwale mutualime. “Ni lipilu za bana kwa bashemi.” Mwa kutaha kwa hae kwa bubeli, mwa mazazi a mafelelezo, ukutela hape kwa Tumelo ya ba apositola hape. Mwabona ka kupetahala mo Mañolo a tomahanyelizwe nji?

<sup>109</sup> Ani neli mafelelezo a Testamente ya Kale, ona Testamente ya Kale. Cwale lubona kuli kuna ni Liseli mwa nako ya manzibwana. Ki sikamañi sani? Ki fa halimu, Kota ya fahalimwa Lilundu.

<sup>110</sup> Sina hane Ni bulezzi kakusasana cwana, lutile mwahala likopano, kufitela (isiñi kota ya olonji) sina ha Ni bulezzi kakusasana cwana, kono lubile ni muselo wa magilepu, ma lemune, mifuta kaufela ya lika zeñwi ze ne si yo sina kwa simuluhu. Kono kasamulaho... Musike mwa Si latehisa. Ki se fa Sa taha. Kasamulaho likopano kaufela limana ku ba teni, ne ba sina Liseli ni le li kana ka kukala, kukaba lizazi le lisike la bizwa musihali kamba busihu.

<sup>111</sup> Ki sikamañi se ba eza? Ki sikamañi se ba eza? Kiñi seo—seo lemune ieza kwa kota ya olonji? Ku lukela kuba bupilo bwa pili bwa olonji ye taha ni ku lyanganisa mwahala lemune. Sani kona seo likopano liezize kwa Linzwi la Mulimu, ba ezize Linzwi la Mulimu kuba le li sina tuso ka lizo za bona. Kakuli sani KISONA SO BULELA MOYA WA MULENA. Ba tahisize ma lemune, miselo ya magilepu, isiñi ma olonji.

<sup>112</sup> Kono ki sikamañi sene ba bulezzi bapolofita? Yena ya na bulezzi sa palo ya luna busihu bwa kacenu, “Uwabelwe, O wena mwana musizana wa Jerusalema, u lulueze, wena mwana musizana wa Sione, kakuli Mulena hao wa ku tahela, ya musa mi ya ishuwile, upahami pelesa ona mwana wa mbongolo,” mulemuhe yena mupolofita ya swana yani naize, “Ku ka taha nako ya kubuzwa.” Lizazi li lumezwi mwa lifasi kuli li buzwisa litolwana. Kiñi hane li si ka buzwa? Hakuna muselo mwani kuli i buzwe. Kono Bupilo bu sa zwelapili.

<sup>113</sup> Litile mwa muselo wa magilepu, kuba olonji, li fumanehile kuba ze kopani; neli muselo wa ma gilepu. Ne uile hape, ne utile ka nako yani uli lemune. Wa ya cwalo hape, no fetuhile ku toba sika sisili fela. Mi mwa mafelelezo, fahalimwa kota, ufetuhile kuba wa tanjelo, yeli neku leliñwi olonji, neku leliñwi ki lemune; lipeu ze zwakani, ki taba ye lyangani; yetile fa kulyangana, ipila kwa kota yeswana yani; sikapi sa teni, “mane si ka puma ni bona Babaketilwe.” Ku bonahala sina olonji, kono ha ki yona.

<sup>114</sup> “Kono ku kaba Liseli,” fani haka hula kufitelela kopano. Haka pahama kusiya kopano, uka shoshela hape, uka beya miselo ya ma olonji sina mwa na inezi ha nakeni mwa mubu, mi kona ku ka ba Liseli.

<sup>115</sup> Ki kuebelelisa ko kucwani kwani; ki sikamañi se si ezahala se? Kutaleleza Linzwi la Mulimu. Kuna ni lipaki zepeli za Testamente ya Kale, kuli taba ye ika ezahala.

<sup>116</sup> Halungeni Joani 14:12, ya Testamente ye Nca, Jesu naize kuli.

... *Ya lumela ku na, misebezi ye Ni eza uka ieza ni yena; ...*

<sup>117</sup> Hape, mwa Luka 17:22 kuisa fa 30, Na bulezzi kuli.

Sina mo ne ku inezi mwa mazazi a Lota, fani Sodoma, isika ciswa kale, kona mo ku ka bela ni fa kukuta kwa Mwana mutu, *ka zazi ha patululwa Mwana mutu.*

<sup>118</sup> Oh, mutualime fela fa Mañolo! “Mwana mutu,” Jesu Kreste ya swana maabani, kacenu, ni kuyakuile, na hulile kufitelela likopano, na hulile kufitelela Kota. Ki sikamañi sa Na bulezzi ku Joani 14, kamba 15? “Mutai kaufela o ku Na, o sabei muselo, uka lemiwa kwatene ni ku koyolwa, ku nepelwa mwa mulilo kuli uciswe. Kono mutai kaufela oka beya muselo, uka kolelwa.”

<sup>119</sup> Oh, ku kaba pula ya niti ya masehulo ni pula ya mwa mulaho mwa mazazi a mafelelezo fa sikuwata nyana sani sene si taha ni Yena fa halimwa tonki, ya musa ya ishuwile, hakuna saku-... kamba kopano, yeka huwa, “Hosanna ku Mulena ya taha mwa Libizo la Mulena!” Ki butata mañi bobuli teni kacenu? Ki sikamañi se si ebelelisa fa lilundu?

<sup>120</sup> Haki kale hahulu, ne ni yemi fa katala ka, ne ku bulezzi ka Moya o Kenile kuli, “Lizazi la taha fo baka fitisa kota fapila ndu ya hao; ba ka shimbulula munyako wa mina okena mwa munzi. Kacwalo, sani, mu ka si fitelela, musike mwa filikana.” Ni boni munyako waka ukumuzwi mi ubeilwe fahalimwa lilundu. Ni boni lilundu fa pila ka, kaufela lona li katilwe, mabala ni zeñwi li wezi kwani kone kuna ni sene si u sinyize. Ki hali . . .

Na talima, mi ne ku na ni Ricky yomunyinyani yana ile kwani mi a yo sinya munyako wani, yana ezize taba ye. Se nili, “Kiñi ha ne u si ka ni bulelala?” Natilo ni talifela, mi Ne nina ni ku munata. Mi hane ni ezize, Se nili, “Hani si ka eza kale cwana konji hane Ni sa li mwa mihala ya sikuwenda sa ku lwanelia, kono Ni bata fela kuli muzibe,” mi Na nata iliñwi. Mi cwale hane Ni mu wiselizefafasi, Na mu nanula hape ni ku mu bindelafafasi hape. Na mu nanula, halalu kamba hane, mi na mu lahela fa lilundu. Mi kacwalo Na ya kwatenei kwani, mi se Nili, “Sani ha ki sesinde.” Mi Na mu nanula ni ku swala mazoho a hae, Na li, “Ha ni si ka ku nyemela, kono Ni bata fela kuli uzibe kuli haukonikubulela kuna cwalo.”

Mi he hane Ni sikuluhile ni kukuta, Moya o Kenile no yemi fani fa munyako, wali, “Cwale mufitelele se. Mi kota yani ha ise i wiselizwefafasi, na sikuluhela kwa wiko.”

Buka Ye, lika kaufela ze Ni tokwa,  
 Buka Ye ki Nzila yende,  
 Nzila ye bonisa mwa ku zamaela mwahala  
 butata bwaka. Amen!

<sup>121</sup> Mi Buka yani kona Linzwi, mi Linzwi lani ki Mulimu. Mufitise matata amina, I ka mi bulelela sa kueza.

<sup>122</sup> Lilimo zetalu ze fitile Ne ni utwile mulikana ka, mutatubi wa mwa tolopo, upila kwa mukwakwa wa kwa tasi nyana kuna, ha mu zamaya ku shetumuka nyana cwalo. Ne niile kwani mi se ni bulela kuli, “Ki butata mañi, Mud?” Mwana bo King wa mushimani, mulikana ka luli.

Ali, “Billy, ba ka hulisa mukwakwa wo.”

<sup>123</sup> Mina kaufela mwa hupula. Ne niize, “Ikona kuba mutano.” Na bulelela Muzwale Wood, Se nili, “Ubabalele sibyana sa hao. Mwendi mutano wani uka taha ku to fita ni kwanu cwana, sesiñwi.” Nzila ne i abilwe fahali; masitina, macwe, na yumbakezwi kwa sibaka kaufela. Kacwalo ki hali... Se nili, “Ubabalele sibyana sa hao.” Mi cwale hane Ni...

Bo King ne ba ni bulelezi ze ne ka ezahala.

<sup>124</sup> Na kena mwahali, nali ku musala ka ya na inzi fani, “Mulatiwa, kuna ni sesiñwi se si ñozwi ka sona. Kakuli KISONA SA BULELA MULENA, kokuñwi.”

<sup>125</sup> Na kena mwahali ni kunga buka yaka, na talima ku yona, mi ne ili, “Ku ka ezahala...” Lilimo ze eiti kasamulaho!

<sup>126</sup> Mi cwale hane Ni talimezi ku yona, Se nili, “Seli nako cwale, mulatiwa, lu lukela kuya kwa wiko.”

<sup>127</sup> Mazazi amabeli kasamulaho wa fani, inza yemi mwa muzuzu ka nako ya teni kiloko kakusasana omuñwi, Ne ni ke ni mwa Moya wa Mulimu. Na to bona sikwata sa linkwilimba inge lifufa, na to talima linyunywani zani. Mwa li hupula. Ne ni boni Mangeloi a supa mwa mufuta wa mundandwe o pahami, ataha inge a akufela ku na. Ali, “Fetuhela kwa neku la wiko, zamaya kwa Tucson, ikaba limaele ze mashumi amane kwa neku la mutulo. Mi u ka nopa sikapana sa toze,” kamba sikapi sa yona, kona mo ba libizeza kwani, “kuzwa fa litino za hao.”

<sup>128</sup> Muzwale Fred Sothmann, ya inzi kwani inza ni talima ona fa cwana, na liteni kwani kakusasa wani. Ne ni libezi ka zona.

<sup>129</sup> Se nili, “Kupanca kokuñwi ne kutilo utwahala sina zikinyeho ya lifasi, yene nyanganyize buñata bwa lika kaufela zene liteni mwa naha. Haniboni kuli mutu na ka kona cwani ku banduka ku zona.” Ne ni sabile. Ne ni yemi kwa Phoenix, mina kaufela baba teeleza busihu bwa kacenu mwa lumelelana ni na. Ne ni kutalize fa kutazo yakuli, *Muñaka, Seli Nako Mañi Sha?* “Ki kai fo luinzi?” Se ni ya kwa wiko. Buñata bwa mina mo mu na ni tepu yateni, buñata bwa mina mo ne mu i utwile hane i bulezwi, ñohola kamba kwa mulaho lisika ezahala kale.

<sup>130</sup> Se ni ya kwa wiko, ni sa zibi sene si ka yo ezahala. Zazi leliñwi Na to amuhela pizo kuzwa ku Mulena. Ne ni bulelezi musala ka, Na li, “Mulatiwa, Na...kaniti musebezi wa ka ufelile.” Ne ni sa zibi. Se nili, “Ni...Mulimu, Mulimu ufelize ni na cwale mi Ni ka be ni ya kwa Hae. U yo siyala ni Billy, unge banana. Mulimu uka mi pangela nzila, mokuñwi. Uye upila ka ku sepahala ku Mulimu. Übone kuli banana bafeze sikolo, u bahulise mwa kusaba Mulimu.”

Yena ali, “Bill, ha u—ha u zibi yani ki niti.”

Se nili, “Batili. Kono mutu na si ke ku banduka ku sani.”

<sup>131</sup> Kakusasana omuñwi Mulena ani zusa, ali, “Zamaya kwani kwa libala la Sabino Canyon.” Na shimba kaemba ka pampili ni Bibebe yaka.

Musala ka ali, “Ki kai ko uya?”

Se nili, “Ha ni zibi. Ni ka ku bulelela ha Ni ka yo kuta.”

<sup>132</sup> Ki ha ni ya mwa libala, kupahama ni ku kambama ko ne ku fufa limbande. Ne ni sweli kubuha ka ngili kene ka yemi fani. Na kubamafafasi ku lapela, ni ku nanula mazoho aka mwa halimu, mi Mukwale wa ni nata mwa lizoho. Na talima kwa ni kwa. Na hupula, “Ki sikamañi sani? Ha ni yo ni yomuñwi kwanda na ni nosi. Ki wo fa Mukwale mwa lizoho laka; wo munde, wo benya, wo fata ka lizazi.” Se nili, “Cwale, hakuna batu ka limaele zeñata kuzwa kuna, mwahala ñambamo wo wa libala le. Kana sani ne si ka zwa kai?”

Na to utwa Linzwi, lelili, “Wani ki Mukwale wa Mulena.”

Se nili, “Muuna ni mukwale mulena.”

<sup>133</sup> Yena, lona Linzwi, la kuta, mi lali, “Isiñi mukwale wa mulena, kono, ‘Ki Mukwale wa Mulena,’ ona Linzwi la Mulena.” Lali, “Usike wa saba. Ki Kuhoha fela kwa Bulalu. Ki kupakiwa kwa bulumiwa bwa hao.”

<sup>134</sup> Ne ni ya kwa ku zuma ni mulikani, ni sa zibi se ne si ka ezahala.

Mi yomuñwi a ni biza, yena ya na ni kananisa ka siswaniso sani sa Lingeloi la Mulena, yena ya na si swanisize. Ne ni na ni kuya kwa Houston ka za mwana hae wa mushimani, kakuli na ya mwa buino bwa lifu mi na ka bulaiwa mwa mazazi fela a likani. Mi ani katana mwahali mwani mi ani kambeka mazoho, ali, “Hupula, yena muuna yene Ni kananisa utile ku to pilisa mwana ka wa mushimani ya pepilwe anosi!” Ba katengo kaka talima za buino bwa batu ba ni file se ba biza kuli mupuzo wa tuto, kamba seo kaufela mubata ku si biza, kwa kupilisa bupilo.

<sup>135</sup> Mi ki ha lu kuta, Na ya ku kambama lilundu ku yo zuma. Kwani, Muzwale Fred ni Na, kakusasana omuñwi hane Ni zwezi fande, mi Ne—Ne ni lwezi kale muwayo waka, mi Na talima se ni bona sibaka ko ne baya. Se nili, “Muzwale Fred, zamaya kwa

buse bwa lilundu lani kakusasana hahulu ka mapakela cwale, lizazi li sa pazula fela, mi na Ni ka ya ku leliñwi. Hanina ku kunupa mwa lilulu, hanina ku i bulaya. Kono haiba lika kalela kwa neku le, ona mutapi wani, Ni ka kunupela kwa pata a zona ni ku li matisa mwa mulaho.”

<sup>136</sup> Muzwale Fred a zwela kwateri mi ne kusina lingili. A ni kobeta mi se Ni bona. Mi na ya mwa libala, mwa mikoti yemiñwi ye mituna, lizazi ne lisweli fela kupahama. Ki ha ni taha kwa neku leliñwi la lilundu, ni sa nahani ka za sipolofita. Na ina fafasi, na libelela, kupumula; Na hupula, “Ki sikamañi se si ezahalile kwa lingili zani?”

<sup>137</sup> Ki ha ni nanula... Na ina fafasi sina mo ba inelanga ma Indian, mwa ziba, kuina makata. Na talima kwa liutu la obolosi ya ka, mi ne ku na ni sikapi sa toze. Na si nopa. Mi se Nili, “Sani ki se sincá! Ki Na yo, mwendi ka limaele ze mashumi amane kwa neku la Tucson. Kuna ni mushimani waka yomunyinyani Joseph kwani ya inzi wa ni libelela.” Mi ha ne Ni kalile kutalima, Na bona mutapi wa lingili ha li shetumuka mwendi buhule bo bu likana ni libima ze likiti kuzwa ku na, fahalimwa lilundu, Se ni latela fafasi sikapi sa toze. Na li, “Ni ka li fumana. Ni ka yo nga Muzwale Fred, mi Ni ka lepeleza kaemba nyana ka pampili kuli ni zibe nzila ya kuya ka yona, fa okotilo ye kwanu, mi lu nga Muzwale Fred.”

<sup>138</sup> Mi Na kala kupahama lilundu, kuya ka mo ne Ni konela kwa neku leliñwi la lilundu. Hanihañi fela, Na hupula kuli yomuñwi na ni kunupile. Na li kuba ni utwe kupanca ko ku cwalo; ne ku nyanganyize naha kaufela. Mi, hane kubile cwalo, kwa pata kuna ne ku yemi Mangeloi a supa mwa sikuwa.

<sup>139</sup> Na katana Muzwale Fred ni bona, kasamulaho nyana. Bali, “Neli sikamañi sani?”

Se nili, “Sani neli sona.”

“Ki sikamañi so ka eza?”

<sup>140</sup> “Ki kukutela kwa hae. Kakuli, KISONA SA BULELA MULENA, likunutu zesupa ze ne patilwe mwa Bibele lilimo ze kaufela, likopano ze ni lika kaufela, Mulimu uka lu kwalulela likunutu zesupa zani mwa Maswayo Asupa.”

<sup>141</sup> Ne ku na ni sikuenda sani sene si taha cwalo kuzwa fafasi, inge puka ye pangeha. Hane I ezize cwalo, Ya ya kupahama lilundu, ya kala ku potoloha kwa neku la wiko, ka nzila yo ne I tile ka yona. Sayansi ya to I fumana kasamulaho nyana, limaele ze mashumi amalalu mwa halimu ni limaele ze twenti-faifi mwa bukima ni butelele, ka kuba fela mwa sikuenda sa mundandwe o pahami.

<sup>142</sup> Mi ka zazi leliñwi, ne ni yemi kwani, na si kululela siswaniso kwa silyo, mi ki yani Jesu sina mwa Na inezi mwa Linako za Likeleke Zesupa, milili ya kuwani ye sweu kwa toho, ku bonisa

Bumulimu Bobuipitezi. Ki yena Alfa ni Omega; Ki yena Wapili ni wa Mafelelezo; Yena ki Muatuli ya Pahami wa Kuyakuile kaufela, inza yemi fani ili kupaka Liñusa la hola ye. Mi ku kaba Liseli ka nako ya manzibwana! Kana ki lañi kaufela? Neli sikamañi sani?

<sup>143</sup> Se ni ya kwa neku la wiko. Fahalimwa lilundu leliswana lani, ni nze ni fita ni Banks Wood kwani, ali, “Nepela licwe mwa halimu. Bulelala Bo Wood kuli, ‘KISONA SA BULELA MULENA, uka bona Kanya ya Mulimu.’”

<sup>144</sup> Ka lizazi lelitatama luli, inza yemi fani, kakundukundu ka tahafafasi ni ku to pazaaula malundu. Macwe a pumaka likota, kwa halimu ka liñokolwa zetalu kamba zene kufitelela toho yaka. Kwa utwahala mishika ye milalu, mi mizwale ya taha inge i mata. Ne kuna ni mwendi baana baba fifitini bene bayemi kwani, bakutazi ni babañwi cwalo kaufela. “Neli sikamañi sani?” Na ize, “Neli sikamañi sani?”

Ne niize, “Katulo i nata kwa Likamba la Wiko.”

<sup>145</sup> Ka mazazi amabeli kuzwa fani, zikinyeho ya lifasi ne i bata ku tibisa Alaska. Ki Liseli lañi lani fa Lilundu la Sunset mwa Mushitu wa Coronado wa Arizona? Ki sikamañi se si nca sene si ezahalile kwahalimu kwani, kuli sicaba sibile si koboca kuzwa upa kuya wiko, ku nopa macwe ana wile fa sibaka sani kone I natile mishika? Mi yeñwi ni yeñwi ya ona, licwe lani kaufela, ne lina ni makona amalalu ku lona, hane Liketuhile. (Zetalu ki nto Iliñwi.) Abeilwe fa sipula, ka bukiti bwa pampili, mwahala naha kaufela. Ki nto mañi yenca ye ezahala fa Lilundu la Sunset mwa Mushitu wa Coronado?

<sup>146</sup> Junior Jackson wa teezeza, mwa hupula tolo yana bile ni yona yene Ni tolokile, “kuya kwa neku la malikelelo a lizazi”? Mi se ne si ezahalezi fa Lilundu la “Sunset.” Seli nako ya manzibwana, nako ya kulikela kwa lizazi. Liñusa la kulikela kwa lizazi ka kulikela kwa litaba za kale, kulikela kwa sipolofita, nitaluse, sa talelezwa. Mi ku kaba Liseli ka nako ya swalala ya manzibwana, fa Lilundu la Sunset mwa Mushitu wa Coronado, limaele ze mashumi amane kwa mutulo wa Tucson. Muye fa mapa mi mubone haiba kuna ni Ngo ya lilundu la Sunset fani. Kwani kona luli kone li ezahalezi. Ne ni sa zibi konji ka zazi leliñwi.

<sup>147</sup> Lika kaufela zani... Ha li na kushwa. Ki kuzwelapili ku patulula kwa zona Liñi. Kuzwa mwahala lika luli ze ezahala, kuisa kwa siswaniso sa kuba ni Jesu ya yemi inza lu talima; mi cwale kaniti fa Lilundu la Sunset, ni Liseli la lizazi ha li likela. Liseli la manzibwana li tile, Mulimu unza iponahaza Iliyena. Ki sikamañi sani? Ki niti kuli Mulimu ni Kreste ki nto iliñwi. “Busweu,” bwani ki babakai baba iboni, kuwani ye sweu kwa toho ya Hae, sina hane lu bulela mwa Sinulo 1? Mwabona, ona Bumulimu Bobupahami, Bundume bwa Bumulimu; hakuna linzwi leliñwi, hakuna mulimu yomuñwi, hakuna sesiñwi hape!

“Ku Yena kuna ni mutalelela wa Bumulimu ka mubili.” Mangeloi ona Kasibili kona anali busweu bwa kuwani ya Hae. Amen.

<sup>148</sup> Ki sikamañi se si ezahalile fa Lilundu la Sunset? Mulimu wa yemela Linzwi la Hae. Lani kona lilata le li ezahala. Mulemuhe, ki Mulimu ya taleleza Linzwi la Hae la sepiso hape, ya Sinulo 10:1 kufita fa 7, “Mi mwa mazazi a ku utwahala kwa Liñusa la lingeloi la bu supa, kunutu ya Mulimu i lukela ku felelezwa.” Kunutu ye patilwe ya Sinulo 10:1 kuisa fa 7, Liñusa la mafelelezo kwa lusika lwa keleke ya maungulo. Kutaleleza ka swanelo, mwa lusika lo, Muñoli Luka 17:30, “Lizazi fo Mwana mutu ha ka patululwa.”

<sup>149</sup> “Mi ku ka taha bapolofita ba buhata ni Bokreste ba buhata, baka bonisa liponiso zetuna ni limakazo, kuli mane ba ka puma ni bona ba Baketilwe haiba ku konahala.” Batu ba sa li mwa kukakanya. Mi, sina kamita, keleke i lyangani fela.

<sup>150</sup> Mi haili sayansi, mwahala Tucson ni kona, basweli kuñola litaba ni ku libeya mwa mutende. Kwa mulaho kwani fa Lilundu la Lemmon, ma kamera amatuna ani na si ka Li bona ha li nanuha kuzwa fo ne lu yemi; ku kambama kwa neku la Wiko, ku bonisa kuli nako i felile. Ha ikoni kuya konji fela kaemba kakanyinyani kwani; ki kwa Likamba la Wiko. Katulo ne i natile ona cwalo fela ka mukwa one iile ka ona. Kuya cwalo ni kwa Phoenix ni kufiteleri hape mwa buse, kufita kwa Prescott ni mwa buse bwa malundu a Likamba la Wiko, kukena cwalo ni mwa . . . Kana ne ba ya kai? Neli ku ya mwa Alaska, mi ne ba sweli ku bopa ka mishika, kuya fela ka nzila yani.

<sup>151</sup> Mi za ku talima ka zona ni lika zeñwi kaufela mwani mwa Tucson li sa buza, lipatiso za sayansi li lika ku batisisa kuli ki sikamañi sani. Mwa halimu hahulu habakoni kufumana puka, mbundu, kamba hakuna sika mwa halimu mwani. “Neli sikamañi sani? Si fumaneha kai?” Ba komokile fela ka Ponahalo ya buipiteli yani ye lepelela mwa mbyumbiyulu sina mo ne ba bezi fani Babali ba linaleli hane basweli ku latelela Naleli, hane bali, “Ukai Ya pepilwe ali Mulena wa Majuda?” Neli sikamañi sani? Mulimu na taleleza Linzwi la Hae, “Mi ku ka taha naleli ye ka zwa ku Jakobo.”

<sup>152</sup> Mi Mulimu wa Lihalimu na sepisize nako ya manzibwana kuli ikaba ni Liseli la manzibwana. Lilimo zetalu ze fitile bulumiwa bo neli sipolofita, “Seli nako mañi, Muñaka?” Kono cwale seli za kale. Li felile. Sepiso i talelelizwe. Ki nako mañi, sha muñaka, mi ki sikamañi se si ebelelisa cwana? Mulimu wa taleleza Linzwi la Hae! Yena ki ya swana maabani, kacenu, ni kuyakuile.

Halu lapeleni.

<sup>153</sup> Mulimu yomunde, Ni bulukile sicaba fa nako yetelele, ka butelele luli kufita mo ne Ni lakaleza. Na lapela, Mulimu, kuli sesiñwi si bulezwi kamba ku eزوا se si ka tisa sicaba kwande

kai ni kai ku utwisia. Mi ka kubona ni ku utwisia ba kone ku lumela kuli Wena ki wena Kreste wa niti, mi Manzwi aswelii kupakiwa kona tiisezo ya Linzwi la Hae haliba le li petehile mi li talelezwa mwa mwaha wa Lona.

<sup>154</sup> Cwale, Mulena Jesu, kuzwa mwa Manzwi a Hao Kasibili, No bulezi kuli lifasi likaba mwa buino bwa Sodoma. Lwa ziba cwalo, lwa kona kutalima ku lona. Hape No ize kuli, mwa lizazi la, "Sina mo ne ku inezi mwa Sodoma." Neku na ni linumwana zetalu ze ne lumezwi ku ba Macaba ni kwa lifasi la Maheberu. Mi alimuñwi wa bona, yanali Yena Mulimu luli, Mwana mutu, na i patuluzi Iliyena mwa mufuta wa butu mi aeza makazo, kuli mane a bulelala Abrahama seo Sarah na sweli kueza kwa mulaho wa Hae mwa tende.

<sup>155</sup> No bulezi kuli lika kutela hape foo lifasi la ba Macaba ha likaba mwa buino bwa Sodoma hape. Mi ki luna ba fa, Mulena. Bupolofita bo buñwi bu paka taba yeswana, ya kuluma Elia mwa mazazi a mafelelezo, ona Moya wa Elia mwa lifasi, ili kutusa lipili za bashemi, kamba, "za bana kukutela kwa bashemi." Mi Na lapela, Mulimu, kuli hola ye yona Yo ka yemela Linzwi la Hao, kuli Wena uya swana maabani, kacenu, ni kuyakuile. Lumeleza cwalo, Ndate. Ba kaufela ki ba Hao. Na lapela kuli Uka lumeleza limbuyoti ze ni kupaka se si bulezwi, kwa Kanya ya Mulimu. Ka Libizo la Jesu Kreste. Amen.

<sup>156</sup> Ya bulela linzwi, ki mutu; ya paka linzwi, ki Mulimu. Ku bulela sesiñwi, ki taba yeñwi; Mulimu yena ya lipeta, ki taba isili. Mulimu hatokwi mutoloki ni yomukana; Yena wa Itolokelanga Iliyena.

<sup>157</sup> Cwale lu bata kuba ni mukoloko wa litapelo, ku lapelela bakuli, Mulimu ha lata. Mi lu ziba kuli hakuna ni yomukana, hakuna muuna, hakuna musali, hakuna mutu ya pila, hakuna lingeloi, ya kona ku mi folisa, kakuli Mulimu uezize kale. Na pangile buitukiso, taba inosi fela ye mu lukela kueza ki ku i amuhela.

<sup>158</sup> Hakuna mutu, hakuna lingeloi, hakuna sika kaufela, mane nihaiba yena Mulimu Kasibili, yakona ku swalela libi za mina. Li ezipwe kale. Jesu na ezize kale zani fa Sifapahano. Kono halina ku mitusa, kamba sika kaufela, kamba ku mi fa bunde ka sika kaufela, konji kuli mu i amuhele. Mwabona?

<sup>159</sup> Taba fela yekona ku ezahala, ki litaelo ze filwe kale Mulimu, kuli balumeli ba beye mazoho ku baba kula. Sani sibile mwahala masika ba ezize cwalo, mwahala mikopano ya liancafazo. Mi ba li bizize kuli, "Mulimu."

<sup>160</sup> Abrahama na boni lisupo zeñata hahulu. Kono ne kutile nako foo Abrahama atobona sisupo sa hae sa mafelelezo, ona fani mane Sodoma isika cisiwa kale, mi yani neli Mulimu yana iponahaza Iliyena mwa mufuta wa mutu. Kana mwa lumela cwalo? Kikuli Jesu nabulezi kuli lika kutela nji?

<sup>161</sup> Cwale, ki babakai mwahali mo . . . Mi kwande koo fa silimba, kamba kafoo fa mawaile mwahala na ha kaufela, haiba mu sa teeleza, muitukise cwale kwa tapelo, mu lapele, cwale ni mina baba na ni litaulo ze fa. Cwale, Hanikoni kubulela Mulimu sa kueza. Batili, libe kwahule ni na nihaiba kulika. Yena ki ya ipitezi; Uezanga Sa bata kueza. Na ni kona fela ku utwela ni kubulela fela Sa bulela.

<sup>162</sup> Mi cwale ba yemi mwa matuko a mamota, ba titihani mwahali, ku tezi. Hanizibi haiba lwa kona kubuza Mulimu ka manzwi a, “Kana ku ebelelisa kwa ki kwañi?” Haiba Mulimu wa kona ku zamaya mwahala luna hape (kwa kona kuba baeñi mwahali mo), ni ku zamaya mwahala luna ni ku lu bonisa pata ya Hae ye fuyozwi mwahala luna, ku bonisa Moya wa Hae kuli uteni mo, abonise kuli Usali ya swana maabani, kacenu, ni kuyakuile, kuli yomuñwi kaufela wa luna (kasamulaho wa Mañusa amatuna amabeli a) akone ku lumela kuli ku be cwalo? Kikuli uka mu ka eza cwalo nji? Ku lukile.

<sup>163</sup> Mwa sibaka sa kubiza mukoloko wa ku lapelela, kanti; kwa cisa, kutitihana, kuyema ka kuyendamina kwa limota. Ni talima kwa neku *le*, kubiza mukoloko waka wa ku lapelela, ne mu si ka eza cwalo; mutualime, muyemi foo. Kikuli ne Ni ka ibiza ka mukwa *wo* nji? Bakuli ba mina, tumbeta, lika zeñwi kaufela, kulobala; hamukoni ku li eza. Kacwalo muine fo muinzi, mi mulumele Mulimu. Haiba muna ni kadi ya tapelo, muiswale ona cwalo, kukaba hande. Luka fita ku mina haiba mubata kutaha mwa mukoloko. Kono hamulukeli kutaha mwahala mukoloko.

<sup>164</sup> Bani Bo Shepherd, busihu bwa la Sunda yefelile, ne ba si ka taha mwa mukoloko. Hani—Hani sepi kuli ne ba na ni kadi ya tapelo. Kana Bo Shepherd bateni mwahali mo busihu bwa kacenu nji? Ba inezi kai? Kikuli bateni kana? Ba inezi kwa mulaho. Kikuli ne mu na ni kadi ya tapelo, Bo Shepherd? Ne musi na? Ne ba sina. Ki bani ba inzi kwani hape, busihu bwa kacenu. Sani kona sibaka sesinde sa kuba ku sona, Muzwale Shepherd.

<sup>165</sup> Ha ki kuba fela kafoo, kono mube fela ni tumelo. Kakuli, muhupule, musali yomunyinyani nakile a swala sapalo sa Hae mi ni Yena na utwile. Mi ki Ya swana maabani, kacenu, ni kuyakuile. Mi liñolo la Maheberu, mwa Testamente ye Nca, li bulezi kuli ki Yena Muprisita Yomutuna busihu bwa kacenu ya kona “kuswaliwa ka maikuto a matuku a mina.” Kikuli mwa lumela cwalo? Mube ni tumelo he! Musike mwa Li kakanya. Mu Li lumele, mi kipeto li ka to ezahala. Mwakona kuba ni—ni se mu kupile, haiba mu kona ku Si lumela. Kono mu lukela ku Si lumela. Kana muka eza cwalo nji? Kikuli mina kamukana mu ka Si lumela? Ki babakai baba ka Si lumela cwale? Mulimu ami fuyole.

<sup>166</sup> Hanizibi kuli ki mañi yali mañi. Hanizibi nihaiba alimuñwi wa mina. Haki musebezi wa ka wa kuziba yomuñwi kaufela wa

mina. Ki musebezi wa Mulimu kuli azibe lika ze. Kono Yena uka Li peta haiba nji mulumela. Kikuli mu ka Li lumela cwale?

<sup>167</sup> Cwale, Mulimu Yomunde, kaniti ha lu sikhata sa Bakreste ba mazwake, ha lu lukeli kuba sani, kuba mutu ya lukela ku kombelelwa ni ku colaulwa sina mbututu. Ha una mufuta o cwalo, Mulena. Una ni balumeli baba itobohile ku ze butuku. Ona Kubateni luli kwa Mulimu kubeya pilu ya mutu fa mulilo. Sina Abrahama, na lumezi Mulimu. No itibahalize Iliwena ku yena, mi ki Ha uto bonahala ku yena ni kueza sisupo, mi a Ku lumela. No fetuzi mibili wa hae kukutela kuba wa mucaha hape, mi hape ni musala hae cwalo, ili yo, musala hae yanali siemba sa mibili wa hae tota. Mi ki ha kutaha mwana yo munca, yena mwana wa sepiso wa mushimani.

<sup>168</sup> Mulimu, No sejisize kuli ikaba taba yeswana ni mwa lizazi le. Ni lapela kuli Uka yemela Linzwi le. Mi kipeto luka tamahana ona fa sepiso yani fani, kuli ku kaba sina mo ne kubezi mwa Sodoma, fani mane Sodoma isika cisiwa kale ni katulo ku wela Sodoma, lona lifasi la ba Macaba. Kacwalo katulo i libelezi ku suluhela fa lifasi la ba Macaba, mi Majuda bana ni lilimo zetalu ni licika ze sa siyezi za kufita mwa nako ya Nyandiso, ñalelwa ya Jakobo, zwelopila ya lisunda ze mashumi a supa za Daniele. Kono, haili ba Macaba bona ba balilwe, seli nako ya kuya. Mi No file sisupo sani, mi No bulezi kuli kukaba cwalo hape. Lumeleza cwalo, Mulimu. Ki ba, lu inzi mwa mazoho a Hao, eza ka luna kuya Mo bonela kuli kwa swanela. Ka Libizo la Jesu Kreste. Amen.

<sup>169</sup> Cwale musike mwa ikalelwa. Ne ku kaba cwani kambe ne Ni ka ikalelwa? Cwale, Ni panga taba fa ya ku itinga fa mayemo a Mulimu. Kono ki kabakalañi ha Ni eza se? Na bulezi kuli kukaba cwalo. Ani kona mafelelezo. Mi haiba U ikeza Iliyena kuba sani, kupaka cwalo sina sapili fapila mina, kihande, kana hamuna ku Mu lumela nji? Kaniti. Mube fela ni tumelo cwale mi mulumele.

Mutuhele fela ni talimele mwahali mo, lubone ko Moya o Kenile uka etelela, sa Ka eza. Na hanizibi sa Ka eza, ku itingile ku Yena. Kono haiba mukaba fela ni tumelo, kulumela fela, "Lika kaufela za konahala ku bao baba lumela." Kana kamukana mina mwa lumela cwalo, mu nanule mazoho amina ni kubulela kuli, "Na Si lumela cwale." [Puteho ili, "Na Si lumela."—Mu.] Ka pilu yaka kaufela, Na Si lumela.

<sup>170</sup> Cwale silalu kona kupetahala, haiba Uka si eza ka linako zetalu hande, ku paka ku mina kuli Ku lukile. Hanina taba kamba muinzi fo kucwani, bao muli bona, mube fela ni tumelo ni kulumela. Cwale, musike—musike mwa filika filika. Neku le.

<sup>171</sup> Kalibe, ya lapela, Hani ku zibi. Ina fela ona fo inzi foo; ha ulukeli kutaha. Hani ku zibi, kono uswelis musizana yomunyinyani mwa lizoho la hao, kamba fa mautu a hao. Na ni muenyi luli ku wena. Mi musizana yomunyinyani u bonahala

kuiketa, u bonahala hande. Yena ki musizana yomunyinyani yomunde luli, musizana yomunyinyani wa milili ye mifubelu. Ni sweli ku mu talimela fa, ha bonahali kuli ki sihole kamba sesiñwi. Hanizibi se si fosahalile ni yena. Hakulata ha ki bakeñisa mwana; mwendi ki ka wena. Kono Ni ku boni fela ha uinzi fo ni mwana yoo, mi wa lapela. Ni lukela kuambola ku wena fa muzuzu, kuli ni swale moyo wa hao, sina Jesu ha na bulelezi musali kuli, "Aku Nife kwa mezi," mwabona, ka kunopa—kunopa fela mutu alimuñwi. Muzwale Bryant ni bona baba inzi mo, Na ziba sicaba sesili mwahali mo. Bakona kuba baba tokwile, nibona, kono wena u muenyi.

<sup>172</sup> Kana wa ni lumela kuli ni mupolofita wa Mulimu? Kana wa lumela kuli lika zo utwile busihu bwa kacenu ze kuli ki Niti? Cwale, haiba nji Mulimu uka patulula ku na sika so ezize, kamba sesiñwi so no sa lukeli kueza, kamba sesiñwi se si fosahalile ku wena, kamba seo takazo a hao ili sona, uka ziba kuli ki niti kamba kutokwa. Nji cwani? Mi haiba Uka eza cwalo, kikuli si ka yemela Linzwi la Hae kuli ki Ya swana maabani, kacenu, ni kuyakuile, mi Muñoli Luka 17:30 wa talelezwa? Mwa lumela Sani?

<sup>173</sup> Cwale, kalibe na nanuzi lizoho la hae kuli lu baeñi. Hani ku zibi, kono Ni lika ku swala moyo wa hae, mutu alimuñwi. Kuna ni babañata ba mina hahulu baba hoha. Cwale, mu lumele Se ka lipilu za mina kaufela.

Cwale, ki sa musizana yomunyinyani. Ha ki ka wena. Wena uikalezwi, kono ha ki ku ikalelwa ko ku kukataza. Taba yetuna fa pilu ya hao ki musizana yomunyinyani. Mi wa lumela kuli Mulimu wa kona ku ni bulelela seo sili sona? Wa lumela cwalo? Kikuli sika kutusa nji, kikuli uka lumela he? Ki kolofalo ya kwa booko. Ki niti nji? Cwale beya lizoho la hao fa toho ya mwana yomunyinyani; lizoho la hao.

<sup>174</sup> Mulimu yomunde, No ize kuli, "Lisupo ze li ka latelela baba lumela. Baka beya mazoho abona fa bakuli, mi ba ka foliswa." Musali yo ki mulumeli. Lizoho la hae libeilwe ku mwana. Mi cwale hafoliswe. Ka Libizo la Jesu Kreste, Ni fa tapelo ye. Amen.

<sup>175</sup> Cwale kana mwa lumela, mina kaufela? Haiba wa kona kulumela, lika kaufela za konahala. Kaniti!

<sup>176</sup> Na ziba kalibe ya inzi bukaufi ni yena, kono yena u sepalahile kuli ha nza talima kwa neku le. Hanikoni ku biza libizo la hae, kono Ni... Haiba Ni mutualima fa muzuzu fela, Ne ni ka ziba. Kono Na ziba musali ka mubonahalelo, kono Hanizibi butata bwa hao. Kana wa lumela kuli Ni... Mulimu uka ni lumeleza kuziba butata bwa hao? Kana uka... Kikuli si ka kutusa? Shuka butuku bwa dayabetisi. Cwale, haiba yeo ki niti, nanula lizoho la hao. Kaniti!

<sup>177</sup> Ku bonahala kuli kalibe ya lobezi... ya inzi bukaufi ni wena, una ni taba yeswana. Ki muenyi. Kalibe yomuñwi usweli ku

lapelela yomuñwi, mwana wa sihole. U lumele ka pilu ya hao kaufela, Mulimu uka ku fa sona.

<sup>178</sup> Yomuñwi kwa mulaho kwanu. Muuna ya inzi fa buse fani, ulika kutuhela kuzuba kwai. Wa lumela kuli Mulimu uka li zusa ku wena? Ku lukile. Wa lumela? Wa kona kuba ni sona. Hani sika mu bona kale muuna yo mwa bupilo bwaka.

<sup>179</sup> Fa kuna ni muuna. Mwabona muluti wani usweli ku lepelela fa halimwa muuna yo ona mo ya lobezi fa kambeta cwalo, kamba sipula? U sweli kushwa. Uapesizwe ka muluti. Una ni kansa. Hani muzibi muuna yo, ha ni si ka mubona kale. Mulimu wa ziba za hao. Yani kona niti, sha. Kana wa lumela kuli Mulimu wa kona ku ni bulelela sesiñwi ka wena? Kikuli si ka kutusa ku amuhela foliso ya hao nji? [Muzwale uli, “Eeni, Na lumela.”—Mu.] U tisizwe kwanu ki mulikani. Kono hauzwi kwanu, u zwa kusili ko kuna ni mezi amañata hahulu ko batu ba yambanga litapi. [“Eeni.”] Eeni, Albany, Kentucky. [“Yani ki niti.”] Yani ki niti. Lumela, mi wa kona kukuta haenu kwa hae, uli ya i ketile. Lumela kuli ku felile. Haiba uka I lumela! U lukela ku I lumela, mi u lumele kuli i ezelizwe wena. Wa lumela nji?

<sup>180</sup> Wena, yazwa kwa Tennessee, una ni mushimani yana ni asima. Haayo mo, kono kana wa lumela kuli uka foliswa? Konakuli isa ka taulo ka hao, ka hao...mwa lizoho la hao kwani, ku yena. Uka foliswa haiba wena ulumela Cwalo.

<sup>181</sup> Kalibe ya sweli kulila, ya inzi kwa buse bwa Muituti Vayle kwani. Uapesizwe ki muluti, ni yena, ki muluti o munsu. Nali kuba ni mubone musali yo mwa bupilo bwaka, kono una ni kansa. Uka shwa haiba sesiñwi ha si ezwi ku yena. Kana wa lumela kuli Uka ku folisa, kalibe? Wa kona? Wa kona kuba ni foliso ya hao, haiba fela ulumela.

<sup>182</sup> Kuna ni kalibe yomunyinyani ya inzi kwa mulaho wa hae ni taulo fa mulomo wa hae. Yena hape una ni litumbo za mwa mba, wa kula. Wa banga ni moyo wa ku welela-welela, wa bubofu, wa kuwa. Yomuñwi ki yena ya ku tisize kwanu. Una ni butata bwa sisali. Haiba uka lumela, u zamaye kwa ndu, ube hande.

<sup>183</sup> Wena, mutangana yomunyinyani, u muenyi; ya inzi fa pata kuna, usweli ku ni talima. U wa naha ifi, u mu Puerto Rican kamba sesiñwi? Eeh, sene Ni talusa,...?...! Na ni muenyi ku wena. Wa ziba cwalo; mane hauzwi mwa naha ya hesu. Kono wa lumela kuli Mulimu wa kona ku kufa takazo ya pilu ya hao? Haiba Ni ku bulelela takazo ya hao seo ili sona, kikuli uka i amuhela? Ubata kolobezo ya Moya o Kenile. Yani ki niti. Amuhela Moya o Kenile, muzwale waka.

<sup>184</sup> Fa kuna ni muuna yomunsu ya inzi kwa mulaho kwanu, una ni mutiyo fa pilu ya hae. Ki wa musala hae. Yena haayo mo, mane. Una ni butata bwa mautu. Wa lumela kuli Uka mu folisa? Wa lumela? Wena u muenyi kwanu. Wena uzwelela kwa buse bwa liwate. Uzwa kwa Jamaica. Kana wa lumela kuli Mulimu

wa kona ku ni bulelela yo uli yena? Bo Brady. Mwa lumela? Jesu Kreste ki ya swana maabani, kacenu, ni kuyakuile.

<sup>185</sup> Kalibe yo ya inzi kwa mulaho kwa neku *le*, bukaufi ni Musala bo Wright kwani, una ni mutiyo fa pilu ya hae. U sweli ku lapelela mwana wa musizana. Uile kwa kupazuliwa. Wa lumela ka pilu ya hao kaufela, ka yena? Hana ku itokwa haiba ubata kuli yena a I lumele. Hanikoni ku folisa.

<sup>186</sup> Kwa mulaho kwani mwa libaka za banana, Ni bona Moya wa Mulena, Lingeloi, Liseli lisweli ku zamaya mwa sibaka sa banana. Uinzi ku musali yo munyinyani, mi una ni butata bwa moyo wa yambaela fela. Ku bonahala kuli Ni lukela kuziba musali yani, hakulata, ki musali yomunyinyani. Hape una ni butata bwa sisali. Eeni. Libizo la hae ki Musala bo West, u zwa kwa Alabama, Musala bo David West. Lumela; Mulimu uka sifa ku wena.

<sup>187</sup> “Ku kaba Liseli, ili mwa lizazi leo fo Mwana mutu ha patululwa.” Haiba sani ha ki Jesu Kreste ya swana maabani, kacenu, ni kuyakuile, Hanizibi zeñwi hape ka Zona. Kikuli mwa lumela Sani? Lika kaufela za konahala ku ba balumela.

<sup>188</sup> Kwande kafoo kwa mihala ya maikulofoni mwahala naha cwale, mi ni mwa tabernakele mo, ki babakai ba mina baba ka nanula mazoho a mina ni kubulela kuli, “Ni mulumeli”? Cwale, mina kwande kafoo mwa linaha, mañi ni mañi unanuzi mazoho a hae mwa halimu, mo. Mane ni fande kaufela, kafoo kokuñwi mwahala naha, mu nanuzi mazoho amina mwa halimu, hakuna kukakanya. Cwale mukwale meto amina, amuwise fela mazoho amina ku yomuñwi ya bapani ni mina. Muswale lizoho la hae. Mu li kambeke fa liheta la hae. Ni beile aka fa litaulo. Mutualime se si ezahalile kacenu! Mutualime se si ezahalile cwale.

Kubuha pata ya Hae ye kutekeha  
Yebenya ka lilato la Bumulimu;  
Ba fuyozwi baci ba muhau wa Hae,  
Sina macwe a butokwa mwa mushukwe wa  
Hae baka benya.

Cwale mulapele. Halu lapeleni, kai ni kai.

<sup>189</sup> Mulimu yomunde, hola ifitile. Se si talusa sikamañi? Mulimu kutaleleza Linzwi la Hae! Ki kuebelelisa ko kucwani, Mulena? Ki Mulimu ya taleleza Linzwi la Hae. Ki sikamañi se kwande mwa linaha, ka buino bwa mawaile, kuli mianda ya batu ibeile mazoho a bona ku yomuñwi ni yomuñwi mwahala naha kaufela, kuzwa likamba leliñwi kuisa ku leliñwi, kuzwa kwa Mutulo kuisa kwa Mboela, Upa kuya kwa Wiko? Mo kuinzi sicaba sesi zwa kwa linaha za kwahule, buñata bwa linaha, Mexico, Canada, mi lu beile mazoho a luna ku yomuñwi ni yomuñwi. Mulimu wa taleleza Linzwi la Hae!

<sup>190</sup> Kucwani kuli mutu wa kona ku yema fa ka Moya o Kenile mi abize mutu sina ha Na ezize ku Simoni Pitrosi, “Libizo la hao ki wena Simoni, wena u mwana Jonasi”?

“Zamaya u yo biza muuna hao mi mutahe kwanu.”

“Ha nina muuna.”

“Luli. Ubile ni ba ketalizoho.”

<sup>191</sup> Musali ali, “Ni ziba kuli Mesia wa taha ku to eza lika ze, kono Wena ki wena Mañi?”

Yena ali, “Kina Yena.”

<sup>192</sup> Mi Wena uya swana maabani, kacenu, ni kuyakuile. Mi Usepisize, “Misebezi ye Ni eza ni mina mu ka ieza. Yemiñata kufita ye mu ka ieza, kakuli Ni ya ku Ndate.” “Mi, amubone, mwa mazazi a mafelelezo Ni ka luma Elia, mupolofita, mi uka cinca mihipupo ya sicaba, kufetula lipilu za bana kukutela kwa Tuto ya baapositola ya Bibebe.” “Mi ku kaba Liseli ka nako ya manzibwana.”

<sup>193</sup> Ki luna ba fa, Mulimu yomutuna wa Lihalimu! Hola ki yona ye fa! Mazoho aile fahalimwa sicaba.

<sup>194</sup> Satani, u komilwe. U lihata. Mi, kakuba mutanga Mulimu, mi sina batanga, lu laela kuli ka Libizo la Jesu Kreste, kuli u utwele Linzwi la Mulimu, ni kuzwa mwa sicaba, kakuli ku ñozwi kuli, “Ka Libizo la Ka baka leleka mioya ye maswe.”

<sup>195</sup> Mi sicaba kaufela si lukuluhe. Lumeleza cwalo, Mulimu Yomunde. Ki wena Mulimu wa Lihalimu ya komile, zazi lani ni ku ebelelisa fa Lilundu la Kalvari, matuku kaufela ni makulano ni misebezi kaufela ya diabulosi. Wena u Mulimu. Mi sicaba si folisizwe ka miupa ya Hao. Si lukuluhile. Ka Libizo la Jesu Kreste. Amen.

<sup>196</sup> Mulimu, taulo kaufela ye beilwe fa, foo Moya wa Mulimu ha u sa liteni, ona fa tozo ya Jesu Kreste ha isali fahalimwa sicaba, mi lisupo zetuna za Na sepeisize ha li talelezwa, mi lifasi la ngangama, lizikinyeho za ezahala, ona lisupo zetuna za Na bulezi, mi Mañolo a talelezwa, mi Liseli la manzibwana la benya. Ni beya mubili waka fa halimwa litaulo ze, ku yemela ona mubili tuna wa balumeli wo kuzwa kwa Upa, Wiko, Mutulo, ni Mboela; ni ku bulelela diabulosi kuli, “Ka Libizo la Jesu Kreste, kusiya mukuli ya sina sika kaufela inza lobezi fani,” kwa likute la Linzwi la Mulimu. Ka Libizo la Linzwi la Mulimu, Jesu Kreste wa Nazareta. Amen.

<sup>197</sup> Cwale, ka kukuza, kuijeta, kuiswala, mi ni mwa minahano ya mina ya kuijeta, sina balumeli, kikuli cwale mwa lumela ni kuamuhela foliso ya mina kuzwa ku Mulimu Yamata, ka Libizo la Jesu Kreste? Haiba mwa eza cwalo, mu nanule mazoho amina. Kamukana kafoo mwa naħħa, mu nanule mazoho amina kwande koo. Mutu kaufela mwahali mo, kuya ka mo Ni bonela, na nanuzi mazoho a hae mwa halim; mwahali, kwande, ni kwa

mahaulo, mwa minyako, mwa libaka za banana, ni kwa libaka zeñwi kaufela, sicaba ni mazoho a sona. Ba Si amuhela. Satani u komilwe! Miupa ya Jesu Kreste ya mi folisa, mi Kubateni kwa Jesu Kreste kupaka niti yakuli Wa pila kacenu, wa kona kubuluka sepiso kaufela kamita ya Na bulezi. Amen! Na Mu lumela. Mina bo? [Puteho ili, "Amen."—Mu.]

<sup>198</sup> Cwale halu yemeñi ka mautu cwale. Ka Libizo la Mulena Jesu, kuamuhela sika kaufela se si ezipwe kamba kubulela, lwa Mu lata ka lipilu za luna kaufela. Lwa Mu babaza ka sesili ku luna kamukana. Cwale hamunze mya kwa malapa amina a shutana busihu bwa kacenu, Mulimu azamaye ni mina. Mulimu amife Moya o Kenile haiba nji hamuna Moya o Kenile.

<sup>199</sup> Muuna kaufela, musali, mushimani, kamba musizana, mo, ya si ka kolobezwa kale ka Libizo la Jesu Kreste, kuna ni liapalo, liabwa. Musike mwa isa lika kula kamuso ze lukela ku ezwa kacenu. Kamuso ikona kuba kulieha. "Mukatelwe za kacenu, kakuli za kamuso, lika iponela za lona." Kuna ni bakutazi ba bayemi, ba libelezi, liapalo za libelela. Hakuna buinyazo. Kikuli mwa libelela nji? Haiba mwa litela, mu lumele. Hakuna taba ka mo kolobelizwe, kufafalezwa, kuseliwa, seo kaufela sili sona, ki mafosisa. Liseli litile. Mutahe, munze mulumela, mi mu kolobezwe.

<sup>200</sup> Mutu ufi kaufela ya sina Moya o Kenile, a mu amuhele Moya o Kenile, mañi ni mañi wa ku mina, mwa mata atezi a Bumulimu ni lilato la Na mi sepi size, kuli ami eze sibupiwa se sinca ku Yena. Mulimu ami fuyole.

<sup>201</sup> Cwale, kufitela la Sunda lelitatama ka naini-seti, halu opeleñi pina nyana ye yene lu opelanga myaha ya kwa mulaho.

Musike mwa libala tapelo ya lubasi,  
Jesu ubata ku mi katana mwani;  
Uka shimba lipilaelo za mina kaufela,  
Musike mwa libala tapelo ya lubasi.

Halu i opeleñi hamoho cwale.

Musike mwa libala tapelo ya lubasi,  
Jesu ubata ku mi katana mwani;  
Uka shimba lipilaelo za mina kaufela,  
Oh, musike mwa libala tapelo ya lubasi.

<sup>202</sup> Cwale halunze lu i opela hape, mu swalane mwa mazoho ni muzamai ya bapani ni mina, mwabona, halunze lu i opela.

Musike mwa libala tapelo ya lubasi,  
Oh, Jesu ubata ku mi katana mwani;  
Uka shimba lipilaelo za mina kaufela,  
Oh, musike mwa libala tapelo ya lubasi.

<sup>203</sup> Kana ha Mu mu lati nji? Na Mu lata. Na Mu lata kakuli Uni latile pili ni kuleka puluso yaka (kwani neli kuebelelisa) fa Lilundu la Kalvari. Ona kuebelelisa ko kuswana fa Lilundu la

Sunset, Lilundu la Nebo, Lilundu la Sinai, kutwisiso kaufela ya fa halimu a malundu. Konakuli, ku lukile, halu i opeleňi cwale.

Na Mu lata, Na Mu lata  
Kakuli Uni latile pili  
Ni kulek-... puluso  
Fa kota ya Kalvari.

<sup>204</sup> Kamukana baba Mulata, muli, “Amen.” [Puteho ili, “Amen.”—Mu.] Ku be cwalo! Cwale mu nahane fela ka Sa mi ezelize; munahane, kuli mwakona kuba kwande kwani mwa sibaka sa manwelo a macwala busihu bwa kacenu. Kaniti ne mu lukela kuba mwa libita sina mo ne Ni ka bela nina, kwanda sishemo sa Mulimu. Ki sikamaňi Sa mi ezelize? Oh, kana lukona kuitulela cwani ku Mu lata? Ha si pangí shutano ni yekana ku seo mutu abulela, Yena ki wa pili.

<sup>205</sup> Halu kwaleni meto aluna, ni ku inamisa litoho za luna halunze lu i opelela ku Yena cwale. Wa lata lipina, kuopela minembo. Halu i opeleňi ku Yena cwale.

Na Mu lata, Na Mu lata  
Kakuli Uni latile pili  
Ni kuleka puluso yaka  
Fa kota ya Kalvari.

<sup>206</sup> Ka litoho za luna ni lipilu zeinami fapila Pata ya Hae, ka buitumelo bwa seo meto aluna aboni, seo mazebe aluna autwile, ze ñozwi mwa Linzwi la Mulimu, ka seo sepiso ya Hae ili yona ku luna kacenu. Mulimu ami fuyole.

<sup>207</sup> Luna ni—ni muenyi busihu bwa kacenu, ki muzwale, Ned Iverson, sapili na banga mukutazi wa Presbyterian. Yena ndatahe, mizwale ba habo, ki mukutazi wa Presbyterian. Yena, Na utwisia, na kolobelizwe kacenu, hape, mwa Libizo la Jesu Kreste. Yena ki mukutazi, mi ili yomunde ka sani. Mi cwale Ni ka mu kupa, sina ha Ni mu lumela kuba batanga ba Mulimu, kuli akupe limbuyoti za Mulimu fa halimwa kopano ye hamunze muya kwa malapa amina.

<sup>208</sup> Muzwale Iverson, taha kwapili, halunze lu inamisize litoho za luna mwa tapelo. Mulimu aku fuyole, muzwale waka. 

*KI SIKAMANI SE SI EBELELISA FA LILUNDU?* LOZ65-0725E  
(What Is The Attraction On The Mountain?)

Liñusa le ka Muzwale William Marrion Branham, neli katalizwe lwa pili mwa Sikuwa la Sunda manzibwana, Sikulu 25, 1965, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwateni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)